

乾隆杭州府志

杭州府志卷十三

山川一 府城內

武林山武林水始見漢志浮玉苕溪別著於山經地記靈
區秀壤自昔重之扶輿清淑之氣榮萃蟠結應時而發其
光華重澗層巖霞蒸雲郁仰邀

聖祖省方展義

六幸西湖我

皇上法

祖勤民加惠於東南澤國俗阜瀾安長臻樂利

天章炳煥照耀湖山洵千載一時之盛也

府城內

吳山 在府城內西南隅舊名胥山上有子胥祠唐元和

十年刺史盧元輔作胥山銘 大清一統志 吳人祠子胥于山

上因名 咸淳志 圖經云春秋時為吳南界故名吳山或曰以

子胥謫伍為吳也 讀史方輿紀要 自鳳凰山而來跨據城中其上

左江右湖俯視則六街九陌官司廨宇三十里城郭在指

顧間杭州為全浙都會而茲山又一郡雄鎮也 錢塘縣志 城南

隅諸山蔓衍相屬總曰吳山而異其名 名勝志 汪克寬

清曠兮金風浙浙而蕭森駕言馳驚于西浙兮縑余馬于
虎林寓遐矚于此邦兮爰陟吳山之高岑苔梯石磴繁九
折之委蛇兮躡曉巖而登臨躡躡崖鬼之峻頂兮眺奇巖之
嶽峯倚太虛而峭拔兮峭崿崩崩不知其幾層根盤數千

里而廣袤兮周廻紆鬱于坤垠層崖倚披而鵬翅兮疊峯
峻嶒而蚪鱗烟雲歛薄其萬狀兮日月蔽虧于夕晨草木
暢茂而異香芬郁兮靈奇悅愉而升沉東望則海門之峯
嶺兮三島負鼇而鼠風天目渺以西至兮萬石飛來而錯
峙左西湖之瀟瀟兮灑冰壺而清泚浙江右帶而混瀚兮
驚濤澎湃而瀟瀟紛總總其上下兮餘艘舳舻相屬于千
里下窺閩闕之行遠兮樓觀巍峩而疊起衢道衝縱而如
畫兮車馬駢闐于九軌異珍輻輳以咸萃兮委南金與象
齒大府屹立于雄藩兮莞棟輦飛而麗美台星耿耿而旁
燭兮閭婆琉璃會同而至止挹佳氣而拄笏兮偉翠屏之
若倚緊是山之鍾秀兮肇元黃之開闢顧名號之曷從始
兮繇泰伯文身而建國闔閭揮戈而駕楚兮夫差奮矛而
栖越何西施之輝媛以爲好兮賜屬鏤于姪直句踐長驅
而沼吳兮胥汎遺忠于潮必銀屏雪屋衝突于山趾兮存
英雄之遺跡叢祠屹于崇岡兮薦馨香于明德高風稜稜
而與此終古兮鎮坤輿以無極歌曰大塊流形峙危阜兮
吼兮聖人馭極一字宙兮拳石海堧如培塿兮雄藩重鎮
永遐久兮蠻夷卉服拜稽首兮我皇撫運億萬壽兮抽思
作頌貽不朽兮 朱子吳山高詩行盡吳山見越山白雲

猶是幾重關。若尋汗漫相期處。更在孤鴻滅沒間。陳允
平登吳山詩。登高一展眺。宮樹鬱嵯峩。樓閣春風滿。東南
王氣多。青天行日月。大地布山河。柳色沙隄路。頻聞響玉
珂。施樞至日謁。廟吳山見日初出。詩曦龍浴海上扶桑
雲表輝。芒燭萬方史。館籟紛書瑞。色禁城煜燿。鎖祥光從
知繡線添紅影。獨喜丹心向太陽。節裏官閒無一事。諦觀
易道靜焚香。方岳修胥山路詩。兩山壁立束微行。石齒
參差半已傾。莫等危時扶使穩。但逢險處放教平。一毫以
上諸人力。半月之間樂事成。安得坦夷三萬里。家家門外
是鵬程。楊載同平章庫庫子山吳山晚眺詩。山椒鞏構
四垂寬。上相旌旗會。覽觀旁近江湖天。廣大上連星斗地。
清寒龍宮永。操函書秘風嶺重。嗟苑樹殘。此際獨無雲蔽
日。正宜翹首望長安。方回川夾谷子栝吳山晚眺韻詩
二首。湖共江寬。更海寬遙。天縱甌復。橫觀雅知山。對吟肩
瘦。未怯霜欺。醉面寒威。召豐登。饒粒食。撫摩瘦。敝起凋殘。
生靈百萬。俱高枕。公亦官清。夢寐安。三吳百越。楚天寬。不
厭登臨。不厭觀。畫舫紅橋。隨處有丹樓。碧宇倚空。寒梅邊
吟思。春光早。雁外歸心。夕照殘燈。火沙河塘上。路豈無凍
崖臥袁安。貞性之咏。吳山景詩。鸞翔鳳翥。枕江流秀奪
江南第一州。螺髻巧盤雲。外影蟻眉深。鎖雨中愁。舞衣春

試駕鴛錦歌扇晴翻翡翠樓寶馬
香車遊冶子賞心誰不爲遲留

按枚乘七發弭節伍子之山通厲胥母之場李善注引
史記吳人立子胥祠于江上因名胥母山以證之古字
胥胥相似故誤也盧元輔胥山銘序云漢史遷曰胥山
或云青山者謬青山之稱今已不聞唐人實多言之徐
凝杭州祝濤頭詩寄言飛白雪休去打青山又題伍員
廟詩浙波只有靈濤在拜奠青山不肯休許渾有寄錢
塘青山李隱君詩羅隱有青山廟詩李紳有猶瞻伍相
青山廟句宋李宗諤圖經云舊時沙河去青山不遠錢
氏隨沙移岸漸至鐵幢去青山乃逾三里時皆以胥山

爲青山也吳山之名始見太平寰宇記祝穆方輿勝覽亦云下有伍子胥廟命曰胥山然則本名胥山至南宋始名爲吳矣

寶月山 在秘書省對巷山坡之下舊有寶月寺黑龍潭

在寺西一名天井

咸淳志

今與布政司署對

西湖遊覽志

舊志敘

城內山以此爲首蓋以地蟠中軸爲一方之鎮也

萬曆舊志

蛾眉山 寶月山東北爲蛾眉山又東爲淺山

大清一統志

與寶月山並彎環若眉故名

錢塘縣志

淺山 在蛾眉山東其支爲寶山

古今圖書集成職方典

草塢山 原名草場山

咸淳志

宋志有草塢山與寶月蛾眉

並列今吳山路不聞有此名

西湖志

石佛山 在胥山坡下原有石佛寺

咸淳志

在鎮海樓外蛾

看山坡下西聯寶山南面瑞石山

成化舊志

按石佛爲吳越時舊院宋改爲吳山智果寺今海會寺也其山卽伍公廟基所在故亦名伍公山錢塘志謂山在七寶山下似以寶成寺鑿麻曷葛刺佛處當之道路懸絕矣

螺螄山 一名螺子峯亦稱螺峯在吳山背取逕必盤旋

曲折而上故名之山當吳山腰半高不迳風低不障景拾

級望湖猶依翠屏而臨明鏡也

古今圖書集成職方典

沙子中二子

善才善度同登至正辛卯進士第郡守嘉之以子中所居

之山舊名螺螄之弗稱也更之曰聯桂山

翠屏文集

七寶山 在白馬巷西

西湖遊覽志

南渡時御史中丞辛丙殿

司侍御史常同監察御史魏虹明橐周綱皆居其上人呼

為五臺山

雞肋編

七寶山南為七寶峯城中觀濤最勝處壁

刻吳山第一峯五字

錢塘縣志

王冕登七寶峯詩層巒

曉風留宿雨石林寒竹動秋聲城隍下瞰紅塵海樓閣高標白玉京夜靜何人吹鳳管碧桃千樹月華明

按錢塘縣志以為宋紹興間賜三茅觀古器七名或因

此考蘇軾有游七寶寺詩是其名不始南宋也又高宗

賜物舊志云祇三器

寶山 在吳山西南萬歷舊志東接石佛山寶奎寺在其山頂

奇石峭拔東望海門如在咫尺宋孝宗書見滄二字勒厓

石

西湖遊覽志蘇軾寶山新開徑詩藤梢橘刺元無路

竹枝棕鞋不用扶風自遠來聞笑語水分流處見江湖

回觀佛骨青螺髻偏踏仙人碧玉壺野客歸時山月上棠梨葉靴痕禽呼又同秦仲二子雨中遊寶山詩平明已

報百吏散半日來陪二子閒立鶴低昂烟雨裡行人出沒樹林間

瑞石山 在寶山南一名紫陽山嘉靖浙江通志瑞石山秀石玲瓏巖竇窳寒泉涓瀝瀝爲澄泓者往往而有清幽徹骨

空翠撲肌湖山奧區罕與倫比西湖遊覽志瑞石山爲南宋蔡

山惟韓侂胄得賜第山中西湖雜志韓侂胄鑿太廟後禁山爲

園別奇挾勝洗石而雲根出剝土而泉脈見四朝聞見錄張寧遊紫

陽山詩三月吳山錦繡林清遊聊借此登臨草深危磴留
迂步花落閒亭入醉吟杜曲文章愁間絕山陰人物夢招
尋青春正好家園近未覺風光負壯心史鑑紫陽峯詩
玉光薰天天帝怒勅遣天丁劈雷斧電掃霆驅自海中散
落南山把山補龍血淋漓疑紫瓊玉枝瑤草交瑩英桂影
蘭香泣秋色仙安坐花吹玉笙千年老鶴噤不語蕭颯蛾
眉愁神嫗東望蓬萊一水間黃塵霏霏正如雨曹學佺
瑞石山詩迢遞吳山頂秋空霽夕陽江湖兩片白雲樹幾
重蒼洞曲復聲隱亭高鶴背涼適從何處入欲出逕俱忘

按瑞石之名自吳越時已著備史顯德五年王因內城
延火率左右至瑞石山命酒祝之火遂滅又贊寧傳載
畧江西鍾匡範獻通天犀帶武肅登碧波亭與許彥方
擊楫而行水開七尺許至瑞石山止岸皆可爲証碧波
亭爲錢氏閱武之所濱于江而其水徑達瑞石頗合舊

圖經江去吳山不遠之說

寶蓮山 與七寶山相連

咸淳志

在瑞石山西下有寶蓮池

寶蓮井宋韓侂胄賜第于此

萬歷錢塘縣志

按七寶瑞石皆位吳山之南祝氏方輿勝覽謂寶蓮在吳山北誤

青平山 一作清平

咸淳志

在吳山南鳳山門之北

咸化舊志

大年清平山開元十詠之一詩城裏如何却有山清平境界異人間禪栖更得幽深處猿鳥不驚心自閒

雲居山 在城西南面聖湖倚楓嶺頗稱佳境

古今圖書集成職方

城垠亘其上頂有楓嶺下有滴泉其麓爲錢湖門址

錢塘

縣志 張寧登雲居絕頂詩半邨半郭吳山路輕暖輕寒上巳天梅影過城湖曲寺槽聲歸枕浙東船舊游詩酒添

新客今日風光似去年清賞未
關幽思發亂峰斜日起叢烟

金地山

在城隍廟南舊有妙果尼寺

咸淳志

在七寶山南

成化舊志

按成化萬歷志皆云寶月山東爲金地山名勝志吳山
正東爲金地山皆以今城隍廟址當之游覽志直云金
地山有城隍廟蓋以潛氏志有城隍廟南一語耳不知
潛志據大勢言之今于卷一之府城圖已自繪明而金
地山之別見者祠廟卷載霍山廣惠祠云旨令修內司
別祠于金地山麓以便祈禱此卽今白馬廟也由廟推
之今云雲居山者正金地山矣吳山各支屬潛志分載

詳晰而獨無雲居蓋雲居寺乃元時建在宋僅聖水一小菴未足以其名名山周顯德四年錢忠懿王鑄王妣金容奉金地寺見吳越脩史寺在當時特盛宜山亦因之得名也城隍廟所在爲寶月山潛志紹興間遷城隍廟於寶月山可證

竹園山 在府治之西南吳山一脈獨趨而北隱隱隆起

陰陽家以爲今治所之主山

咸淳志

狗兒山 在豐樂橋南

咸淳志

豐樂橋有狗兒山之稱而實

無山跡此古老相傳

夢梁錄

按竹園山俗亦有狗兒山之稱據此則非也成化志狗

兒山在清波門之北豐樂橋之南合兩山而一之不知清波門與豐樂橋相去四五里也

仙林山 俗亦稱狗兒山在仙林寺內僅小培塿高丈許

今諸僧環山築室亦頽廢之漸也

仁和縣志

武林山 山在錢塘舊治北半里今錢塘門裏太乙官道

院土阜是也元名虎林避唐朝諱改虎爲武

方輿勝覽

太乙官

後圃內有小土阜名虎林山卽杭之主山也

夢梁錄

舊圖經

云虎林山今錢塘門裏道院高士堂後土阜是也

四朝聞見錄

行宮有小山曰武林道士作亭其上環以花竹蓋因一小

土阜爲之非武林也道士易如剛因攻愧樓公齋宿丐詩

以詠其亭詩中用事最爲精確蓋靈隱之山卽武林山冷泉之水卽武林水謂此山亦復用此名則行宮培塿之士

非武林明矣

同上

昔以武林名城因其近此山也可知此山

實名武林攷夢梁錄以此爲杭城主山山之聖壽寺今稱

爲祖山寺信其爲主山也

嘉靖仁
和縣志

成化志云高可三丈今

去成化時且二百年度其高纔八九尺頂平寺僧植桑蒔

菜于其上築石砌臨道旁削爲狹方長可三十步廣得十

五步耳

仁和縣志

樓鑰武林山詠易君求賦武林山身困塵勞無暫閒我今挂冠欲歸去念此詩債須當

還武林山出武林水靈隱後山無乃是此山亦復用此名細考其來真有以天目雨乳到錢塘千山環湖萬龍翔扶輿磅礴擁王氣皇居壯麗環宮墻湖陰一峯如怒視勢臨城北尤瑰奇吳越大作緇黃廬爲穿百井以厭之從來有

龍必有珠此雖培樓千山餘中興南渡爲行都崇列原廟
太乙廬會因祠事來登眺闕閭塵中有員嶠薰風時來洗
滯暑綠樹陰陰隱殘照我得暫來猶洗心兼君清
福住年深長安信美非吾土倦翼惟思歸故林

按武林山載在漢志自古相傳爲靈隱天竺諸山不在
城內今城內山只是襲用其名非實蹟也四朝聞見錄
考辨甚覈與樓詩同指當從之詳見後

茅山 舊志云在錢塘舊治之南八里其下有茆山小河
今夷爲民居 咸淳志

按成化志云此山舊在城內今截出在城外攷元末改
築城于城南縮入二里城東拓開三里茆山雖在舊治
南而近保安水門蓋屬治東南也潛志載茆山河自保

安水門向西轉北過茅山至梅家橋保安門宋東城第三門也河水既入此門又轉西北而後過茅山約今望江清泰二門之西矣以此間地形論元末應無築城編入之事今仍從潛志之舊列于城內山在宋時已平不能確指所在矣

大觀臺 在吳山南其實山也以其方而四削故名

舊志

橐駝峯 瑞石山左爲紫陽洞又側爲橐駝峯

名勝志

在紫

陽菴側峯尤奇削

錢塘縣志

感花巖 在寶蓮山南寶成寺之後石壁間刻蘇子瞻寶成寺賞牡丹詩上鐫感花巖三大字平列如扁蓋後人因

東坡此詩而命名者

清波類志

崔世召重過感花巖詩

并序予于已已楚遊偶步感花巖讀壁上子瞻詩忽忽有感茲復官此地是重來之句乃其識耶因作詩記之撫石看詩歲已徂君王復許賜西湖風流未必同崔護感激依然憶大蘇渴筆巖空勤拂拭短筇人醉強支吾前生或恐求漿者笑問桃花事有無

駱駝嶺

在三茅觀之麓嶺下有市俗呼小壩頭

咸淳志

鐵冶嶺

在豐寧坊七寶山之西

舊浙江通志

由北而登雲居

山之逕也嶺脊西下有土阜焉爲元楊鐵厓讀書處

舊志

紫坊嶺

在漾沙坑七官宅側

咸淳志

在豐寧坊今弛爲民

居不存

萬歷舊志

陳景鍾紫坊嶺詩此地足幽棲人家入望低烟藤藏撲朔雪竹護山雞佛磬聞蕭寺漁

燈見遠隄恍疑塵世外却在郡城西

灌肺嶺

在大街清河坊北舊有坡阜今夷爲達路而名

尚存

咸淳志

紫陽洞

瑞石山左爲紫陽洞一名瑞石洞

名勝志

在橐駝

峯之側

萬歷舊志

薩天錫遊橐駝峯紫陽洞詩

天風吹我

夜滴青芙蓉飄飄雲氣穿石屋石上涼風吹紫竹挂冠何

日賦歸來煮石篝燈洞中宿柳貫次韻吳山低處有層

峯穿巖石筍排瓊瓏雨寒深洞瀉瀑布飛巒倒浸雙芙蓉

紫磨流光秋滿屋六月涼風動高竹道人脫畧世不羈常

伴峯前野雲宿揭傒斯次韻女媧擲玉生奇峯鬼斧夜

鑿山瓊瓏斷鰲翠骨僵自起平地擁出千芙蓉山中仙人

玉爲屋屋後屋前皆種竹月明應有鳳歸來百丈飛泉挂

星宿薛元義次韻我昔醉登西華峯千尋鐵鎖懸瓊瓏

金莖承盤積沆漑仙掌滴露李芙蓉薛荔爲牆蘿補屋石

筍千年不成竹歸來最愛紫駝峰不覺誤陪猿鶴宿倪

瓚次韻天開圖畫見奇峯時聞鐘磬聲瓊瓏翡翠巖前樓

野鶴紫陽官裏種芙蓉玉露瀼瀼滴仙屋香風拂拂吹幽

竹道人採藥未歸來歸來夜伴蒼龍宿楊維禎次韻全

銀樓閣倚雲峰琪花玉樹開瓊瓏上清仙人佩秋水羅浮

道士冠芙蓉菴前鱗次皆隣屋風外笙簧響疎竹山林城
市兩忘情暮入青衣洞天宿 瞿佑次韻青山聳翠如眉
峯含雲歛霧雙瓊瓏越王臺高擁螺髻西施湖面開芙蓉
野鶴仙人來結屋鳳管鸞簫吹解竹玉女採花徧作雲地
勝應無山鬼宿 朱鑄次韻吳山東南第一峯六鰲舉首
撐瓊瓏摩空仙掌結沆瀣拔地小朶開芙蓉天風吹花香
滿屋屋外仙首響絲竹道人約
我不歸來自掃白雲壇上宿

歸雲洞 又名石屋在紫陽菴前其頂穹其壁削中可容

數十人上有竹樹森然天將雨則氣出將晴氣收元至元

間建亭洞口

瑞石山紫陽集 萬光泰歸雲洞詩津潤泉
眼通濕氣襲如霧浮雲尙有家客胡爲中路

涼雲洞

在紫陽洞旁

山堂
肆考

雪風洞 在紫陽菴右峯石靈竒巖洞幽絕恍若神仙之

所宮

萬歷錢塘縣志 王錫雪風洞詩怪石奇峯盡勝觀
忽逢小洞隱林巒孔泉滴響晴猶雨叢竹多陰夏亦

寒苔蘚千年儂彩筆烟霞滿地憶黃冠
何能携酒頻來此醉抱瑤琴對月彈

金星洞 太廟後禁山有金星洞王栴記將作監題名云

有泉清深有石離奇不越闔閭而都山水之勝

咸淳志諸壁發金

星河詩洞宵紫藤枯水滴蒼苔
碎昨夜石門開玉乳甜如塗

青衣洞 在三茅觀後故老相傳昔人行至洞口有青衣

童子問之不應良久入洞逐之不見聞風雨聲毛髮悚慄

而出

咸淳志

洞有石襪襪旁有開成元年南嶽道士邢令聞

錢塘縣令錢華題名道士諸葛鑑元鏘

癸辛雜志

青霞洞 在寶山洞門平廣

錢塘縣志

奇石錯峙有青霞色故

名勝志馮夢禎登青霞洞詩翠微深處見雲根石
覆長虹露蘚痕洞口也知仙客過青霞一片落殘尊

羅漢洞

舊有金文者疊石爲洞塑羅漢其中今廢爲酒

庫

咸淳志

按潛志列此于青衣洞後又行在所錄太常寺在羅漢

洞攷寺所在乃府城內三橋南也西湖志以洞及宋太

常寺所有昭勳崇德閣汲古泉等並牽入南屏山中誤

飛來石

瑞石洞旁有巨石嵌空名飛來石

錢塘縣志

在丁仙

亭左舊名無根石又名玲瓏石或云神力移來

瑞石山紫陽集宋

華飛來石詩峯亦飛來號耽幽訪洞宮噴崎藏結構曲折入冥濛遺像間雲外鍊花斷檻中林鴉催客去馬首月如弓王式丹飛來石詩崖陰洞壑古時苔石勢孤懸鬼斧開何必西湖占靈境吳山深處小飛來

青芙蓉石

在歸雲洞口形勢奇巧其石紅白相嵌又名

紫瑪瑙 瑞石山紫陽集 吳廷華攬翠軒憶吳山青芙蓉石詩黛簇碧峰近坐鵬青芙蓉早發新柑城誰主者原稱石山似先生獨姓吳古翠欲侵紅瑪瑙秋寒只共白蟻蜂相思不與雲歸去慚愧仇池夢大蘇

鹽橋大河 南自碧波亭州橋通江橋與保安水門裏橫

河合過望仙橋直北至梅家橋出天宗水門一派自仁和

倉後葛家橋天水院橋由淳祐倉前出餘杭水門 咸淳蘇

軾知杭州見鹽橋一河專受湖水茅山河專受江潮遂浚

二河以通漕復造堰牖以爲湖水蓄洩之限江潮不復入

市 宋史本傳 鹽橋河卽宋運河宋時爲米鹽轉輸孔道修廣倍

于今時 仁和縣志

茅山河 南抵龍山浙江開口而北出天宗門與鹽橋河

東西相望不三百步

東坡文集

東自保安水門向西過權貨務

橋轉北過茅山并蒲橋至梅家橋德壽宮之東原爲此河

所經因展拓宮基填塞積漸民戶包占惟存去水大溝流

至蒲橋修內司營填塞所不及者故道尚存自後軍東橋

至梅家橋河

咸淳志

宋蘇軾浚茅山鹽橋二河分受江潮及

西湖水今鹽橋河存而茅山河已堙

讀史方輿紀要

按兩湖塵談云茅山河自艮山門迤南經回回墳至斷

河頭直以菜市河當之殊誤

小河 自鍾公橋西轉北由灌肺橋直至仁和倉橋之北

轉東與梅家橋合出武林水門又一派自觀橋而西合清

湖河北出武林水門

成化舊志

本名市河亦謂之便河今皆以

小河呼之因亦呼鹽橋河爲大河

讀史方輿紀要

清湖河

在錢塘縣治西亦曰西河引西湖水自西南清

波門入曰流福溝東北流與湧金池水合又東與曲阜橋

河合又東與市河合出武林水門

大清一統志

西自府治前

淨因橋過閘轉北至轉運司橋東由渡子橋合湧金池水

流至金文庫與三橋合南至普濟橋北由軍將橋至清湖

橋衆安橋又北與市河合入鵝鴨橋轉西一派自洗麩橋

至紀家橋轉北由車橋至便橋以出餘杭水門

夢梁錄

高九萬喜

杜仲高移居清湖詩笑携雞犬入城居無復游從嘆澗疎
河水通船堪載酒桐陰近屋可修書飯香休憶辛田米羹

美何慚丙穴魚我亦買山湖上住獻芹時擬貢園蔬
陳起題適安清湖寓居詩薰風軒檻晚晴開爵爵桐陰手自
栽二水合流當戶過一山分影入樓來琴逢良夜時揮弄
詩欲名家巧剪裁可羨一廬安所適紛紛車馬汨塵埃

珍珠河 在錢塘門內水口在門外菩提寺後一通九曲

下湖

咸淳志

菜市河 南自新門外北沿城景隆觀後至章家菜市橋
壩子橋入泛洋河轉北至德勝橋與運河合流

咸淳志

其源

本通保安水門自宋築德壽宮而堙之故稱斷河頭今自
艮山水門溯流而上至斷河頭則止矣

西湖遊覽志

一名東河

以鹽橋河在其西俗呼西河遂呼此爲東也成化志謂之
東運河宋元時河在城外卽以爲城濠張氏改築城絡入

于內舊水原自南趨北自其上流理斷勢反似自北注南

良山
雜志

橫河 東運河之支流西湖水灌市河從城外過壩入焉

東西夾以雙橋如眉影窺鏡

東城雜紀 虞淳熙橫河打魚行霏霏曉霧古城低竹壓

危橋魚艇迷此時月鉤不落水大魚小魚爭出谿宿鷺憎
人翻雪去鷺沙盡被漁人踞飛罟十丈浪花浮赤脚何妨
多沮洳魚驚迸散背尾馳囊頭戢戢交參差老夫無緣救
不得飛紅所玉糜湯池鱗鱗泣釜沸聲切猶記蘆根有殘
穴後身願復潯前湍灑子還憂值江鼉魂歸貝坻訴白龍
白龍魚服泳寒風漁人捕得燔枯處急雨打船帆影空

按諸河開濬始末詳見水利各縣州倣此

黑龍潭 在寶月山莫測深淺亢旱不竭天晴則潭水碧

色可愛將雨則湛黑郡人以此候晴雨多驗

咸淳志

在安榮

坊今訛爲烏龍潭

七修類稿色元其宅坎其神王癸與水通靈日者

白居易祭黑龍文惟龍其

歷禱四方寂然無應故虔心潔意致命于黑龍龍無水顧何宅神無靈將恐敬澤能救物我實有望于龍物不自神龍豈無求于我若三日之內一雨霽霽是龍之靈亦人之幸禮無不報神其聽之

漾沙坑

淺山有漾沙坑

咸淳志

吳山古臨江至今俗稱浪

網山故山下有漾沙坑洋壩頭

神州古史考

湧金池

在府城湧金門內相傳吳越將曹杲引西湖水

注此

大清一統志

吳越王元瓘書三大字刻石識其旁云清

泰三年丙午之歲建午之月特開此池

咸淳志

楊蟠湧金池詩湧金春色

晚吹落碧桃花一片何人得流經十萬家

白龜池

在錢塘門裏沿城南

夢梁錄

此水不堪汲飲止可

防虞水口在玉蓮堂北

咸淳志

俗稱長蕩舊志云此水不堪

汲飲鄴侯引湖水應自甘冽今穢惡大約久失浚治之故

仁和縣志

仇遠卜居白龜池上詩一琴一鶴小生涯

陋巷深居幾歲華爲愛西湖來卜隱却憐東野又移家荒城

雨滑難騎馬小市天明已賣花

阿母抱孫間指點疎林深處是棲霞

按池今爲鄴侯六井之一而向無井名今從嘉靖仁和

志類列于池玉蓮堂在錢塘門外乃池之水口池則在

門內也舊省志云池在玉蓮亭北誤

金龍池 在吳山三官廟後萬歷間里人姚世明建金龍

水神殿殿後有泉迸出遂濬爲池清冽亞于郭井

錢塘縣志

聖母池 在吳山中興觀側圍以石欄上建聖母廟

咸淳志

金魚池 在南宋秘書省秘書省卽今布政司署金魚池

或卽今百獅池

錢塘志補 王琮秘省金魚池詩落葉闌干小立時諸公慨想到腰圍但知官餅聊

爲餌不識人間有釣磯

仁和倉池 在倉之南故老相傳云仁和倉舊爲縣基乃

吳公子慶忌故居此池是慶忌磨劍處咸淳六年七月池

忽有風起水立如壁浮萍上屋蕩突久之或云池有大鼃

數百年物時浮水若鐵棺然此其所爲

咸淳志

按仁和倉在今倉橋之東梅家橋北萬歷志西湖遊覽

志因霍山有慶忌塔而移此池就之誤

白洋池 在梅家橋東周迴三里淳祐丁未夏旱西湖水

竭州人爭汲此水至有以舟載賣如西湖水者一方賴之

咸淳志

白洋池田家橋側芰荷渺然鷗鷺雜集號小水晶宮

四朝聞見錄

北關水門內有水數里曰白洋湖其富家多于水

次起造蹋坊

都城紀勝

相傳池中有物或云見之似鼈被蓑蓋

水苔紛披也凡旱輒駕轆轤轉水其物懼水乾則雨降

縣志

白洋池號爲南湖向擬西湖築六橋橋久廢

武林紀事楊萬里

和張功甫夢歸南湖詩一生兩事苦相關從任居貧併作

難顧我雪穿行脚屐美君身作在家官曉分京兆日半壁

夕問南湖水幾竿桃李能言春滿座向人猶自訴霜寒

百花池 東花園宋富景園也內有百花池今園前民家

尚存天池

七修類稿

子午泉 吳山元妙觀有子午泉以泉溢于子午二時故

名

武林紀事

吳坡泉 石佛山普光菴側有吳坡泉

西湖游覽志

武林山水

奇處頗多郡志野史未能盡載普光庵之吳坡泉其一也

兩湖

塵談

白鹿泉 在三清殿後宋劉能真夢鹿得泉故名之并以

自號泉上鐫一鹿

通元觀志

高應冕觀白鹿泉詩白鹿何年去靈源此地留水從山下出人向

鏡中遊影落千峯月聲空萬壑秋岩虛青藜散天映白雲流玉女潭同色紫陽山共幽心願若爲洗不復戀滄洲

石龍泉 在三茅觀元帝殿前

香宇集

田執衡雨中觀三茅觀新開石龍泉詩石

窟何年開雙龍尚此蟠已無銘志在多是劫灰殘螿候春雷啟泉當暮雨寒江山開勝地高拱玉虛壇

瑞石泉 在馨如坊瑞石山下

成化舊志

按今在寶成寺內甃爲方池

青衣泉 在重陽庵後青衣洞口泉淅淅出石罅清鑑毛

髮

成化舊志

閱古泉舊名青衣韓伋冑掩壽寧觀山有之爲閱

古堂更名閱古泉爲流觴曲水泉自青衣洞下注十有二折旁砌以瑪瑙流湑閱古堂前渾涵數畝有桃坡十二級夜宴則殿巖用紅燈數百出桃坡後以燭之居之旣久歲累月積剔奇挾勝危峯穩石淺灣深沼窈窕淳泓宛然洞天福地之居

四朝聞見錄

舊志謂唐開成間道士遇青衣童子

入洞故以名泉攷陸放翁閱古泉記但言泉之甘寒清冽

鋪敘地景無青衣之事也意青衣見在宋嘉泰後故臨安

志有而陸記無之舊志以爲開成非矣而洞記以爲見于

元大德丁酉尤非

七修類稿

青衣泉深可一尋濶如深之半中

爲方池亭據其上龕青衣爲髻童妝睨視池面與江光相

映一線潺潺作風雨聲

客越志

陸游閩古泉記韓府之

崖如伏龍徑如驚蛇大石礧礧或如地踊以立或如空翔而下或翻如將奮或森如欲搏名葩碩果更出互見壽藤怪蔓羅絡蒙密地多桂竹秋而華敷夏而籜解至有應接不暇左顧右盼則呀然而江橫陳豁然而湖自獻天造地設非人力所能爲者其尤勝絕之地曰閩古泉在溜水亭之西繚以翠麓覆以美蔭又以其東向故洛江之日既望之月泉輒先得之表三尺深不知其幾也霖雨不溢久旱不涸其甘飴蜜其寒冰雪泓止清明可鑒鬚髮而遊塵墜葉常若有神物呵護屏除者朝暮雨暘無時不鏡如也泉上有亭亭中有瓢可飲可濯尤於烹茗釀酒爲宜他名泉

昔莫遠公常與客徜徉泉上酌以飲客時游年最老獨盡一瓢公顧而喜曰君爲我記此亭使後知吾輩之遊亦一勝也游按泉之石壁有唐開元五年道士諸葛鑑八分書題名蓋此泉湮伏勿耀者幾四百年公乃復發之而閱古蓋先忠獻之以名堂者則泉可謂遇矣游于告老之後視道士爲有愧其視泉尤有愧也幸旦暮得復歸山幅巾短褐從公一酌此泉而行尚能賦之周密遊閱古泉記至元丁亥九月四日余惜錢菊泉至天慶觀訪諸伯秀遂同道士王磐隱遊寶蓮山韓平原故園山四環皆秀石絕類香林冷泉等處石多穿透嶄絕互相附麗其石有如玉色者聞匠者取以爲簪珥之類中有石饒沓而深泉涓涓自內流出疑此卽所謂閱古泉也襍傍有開成元年六月南嶽道士邢令聞錢塘縣令錢華題名道士諸葛鑑元書鑄之石上又南石壁上鑄佛像及大字心經甚奇古不知何時爲火所燬佛及經皆殘缺又一洞甚奇山頂一大石墜下傍有石承之如甕甗然又前一巨石不通路鑿一門門上橫石梁又有一枯池石壁間皆細波文不知何年水直至此處然則今之城市皆當深在水底數十丈矣深谷爲陵非寓言也其餘磴道石池亭館遺跡歷歷皆在雖草木殘落殆盡而岩石秀潤可愛大江橫陳于前時正見潮上

如正練然其下俯視太廟及執政政府在焉山頂更覺奇峭必有可喜可噩者以足驚不果且聞近多虎往往白晝出沒不常遂不能盡討此山之勝故書之以諗好事之尋遊者

三佛泉 在吳山雲居聖水寺

古今圖書集成職方典鄧文原三佛泉銘并序泉

在七寶山雲居庵沙門指月所浚也庵始湫隘延祐丁巳擴而大之夷高就深出土盈尺得古泉井甘而易涸歲甲子浚深之土工輿石復得管井甃甃堅完距地踰四尋寒泉芳冽汲用不竭越有神異見佛首三諸色具足于是續以貞珉塗以黃金諸比丘恭敬圍繞嘆未曾有巴西鄧某爲之銘曰我觀大地積氣所載孰疏鑿是太虛無外掘地及泉視之縈帶如履冥途破諸障礙其淳淵谷其瀉湍瀨不止不流以與井會瑞相現前示我三昧彼瓌者石實相不壞是實相故徧恒沙界以一勺甘除諸業愛是相是水無在不在是作銘詩以警盲聵

觀音泉 舊志名汲古泉在昭勳崇德閣西有小石識云

此泉清甘雖旱不竭故老相傳以爲此法惠院舊井飲之

有疾者愈宜愛護之嘉泰改元立石

咸淳志

六井 在府城內唐李泌所鑿引西湖水其最大者在清湖中爲相國井其西爲西井北爲金牛池又北而西附城爲方井爲白龜池又北而東至錢塘縣治之南爲小方井今相國井及西井尚存餘湮廢

大清一統志

相國井以李泌

爲相名西井一名成化井方井俗呼四眼井小方井俗呼六眼井金牛井卽金牛池今廢白龜池不堪汲飲

咸淳志

杭

瀕海水泉鹹苦唐刺史李泌始導湖水入城分爲六井以

便民汲

東都事略

杭城六井及沈公井俱通西湖爲利甚溥今

相國井及西井尚存餘皆湮廢

浙江通志

六井皆在城西北隅

蓋宋以前杭惟西北乃陸也東南之地多沙場所漲者而
今杭城不下數千百井皆清冽味佳雖切近于江者亦不
聞鹹苦焉蓋自唐以來地日漸高鹹惟潤下土且滲之則
井水俱淡矣

七修類稿

按李商隱白公墓碑云發故鄴侯五井渟儲清甘以變
飲食以六井爲五井似其時金牛井已就湮廢故云

南井 嘉祐中太守沈文通于六井之南爲南井元祐五
年蘇軾浚治改瓦筒

玉海

一名沈公井一名惠遷井水口自

豐豫門外龍王堂前分入

咸淳志下同

沈公井 在太學後紹定間展拓學基今在學後門又市

西坊北亦有沈公井

按右兩沈公井皆與南井一名沈公井者別

吳山井 吳山泉在吳山北寒泉迸溢清而且甘汲之不

竭

太平寰宇記

錢氏時詔國師始開此井品其泉味爲錢塘第

一蓋山脈融液獨源所鍾不雜江湖之水故泓深瑩潔異

于衆泉淳祐丁未大旱城中諸井皆涸獨此日下萬縷如

常時都人神之趙安撫與憲奏立祠以旌異焉又爲亭覆

井上

咸淳志

紹興間吳山大井往往有失足致溺者董得之

太尉率衆製大方木以石板蓋合井口僅可下汲桶遂無

其患

錢氏私誌

洪武五年參政徐本立石表刻吳山第一泉五

字紀宋遺事于石井中有五色大魚數十時出游泳人不

敢取

萬歷舊志

樓綸詩

寒泉龍王堂道流王德正屢求

吳山井記賦長句遺之錢塘東南一都會西湖宛在
高城外鑿爲六井引入城唐相鄴侯功尚在吳山橫巨城
中央左右江湖盡襟帶寒泉迸溢清且甘發白靈源匪分
派天目兩乳龍鳳來秀氣所鍾此其最海瀕斥鹵澗作鹽
安得一泉獨滂沛聖朝駐蹕勢日隆民聚五方真衆大旱
歲不乾潦不溢環甃老砂期弗壞抱瓮輒轆萬夫汲飛泉
仰流筒吸快取之不盡用不竭數里頰肩競分賣人言神
龍宅其下濟物陰功不勝載川澤固多資灌溉此井
尤能濟閭閻皇家德澤如此泉福祚與之俱不改

天井

在天井巷

咸淳志

臨安府有天井巷莫知其由壬戌

歲張循王府房廊遺火掘得古井澗數丈井口刻後唐清

泰二年開蓋錢王時也今以嘉泰二年復出方悟巷名以

此二老堂雜志

林采復天井記臨安今爲天府有坊以
天井名舊矣土名亦謂天井巷竊意衢中有井從古而

然望寶月山黑龍潭不遠最承天雨異于諸井故以天井
名之按臨安志大井自相圍而下有六十井自吳山而下
三十有一初無天井之名獨于黑龍潭有云寶月山一名
天井山下有天井巷天晴則潭水碧色可愛遇有雨先一
日變黑然此所謂黑龍潭非天井也相傳皆謂竭張公杓
之力經年物色莫知天井所嚮遂附會其說于黑龍潭之
下然此說非特張公杓爲然太守周公淙嘗爲序引則自
乾道丁亥之爲是志也已不知有是井矣嘗攷其地自清
河坊以西有街直南寶天井坊也有井深廣湮沒旣久人
皆能言之但民居區區無所尋訪而志中所載獨此見遺
遂不復問往往一方食用多是湖水間有穿成小井僅給
一家思欲剖天井之藏以備萬家之汲不翅如渴嘉泰二
年六月六日嘗攷發于故張循王之第延燎巷中七百餘
家太守丁公常任得此井于瓦礫之場視臺諫公廨若引
繩而進始見端倪仰趣穿掘清泉迸溢凡數日乃得其極
底深五十餘尺廣十餘尺井旣復舊汲泉賦之其清可鑑
飲之甘美可以滌煩當三伏盛暑可畏此泉乃能續久隲
之脉行者居者觀此濬發冷然四達如醴泉之出於地不
知其有暑氣抑見天府之大所謂天井者亘古常存迄今
復見人有得建炎錢於井中者度其埋沒必在建炎之後

雖得之於天者其興廢亦有時也然則昔人以此井而名此坊亦欲後人有所攷耳顧乃不得與六井並載於志復意料黑龍潭之爲此井豈不誤哉丁公命創亭以覆其上太守李公澄繼之促令募僚趙汝鐸畢其役使一方萬家日汲於其下隨取隨足愈用愈不窮庶再見之異無垠之利也昔帝堯之民鑿井而飲猶曰不知帝力何有於我今皇上駐蹕於此仁恩德澤汪洋如漏泉民皆堯民也井不待鑿天者自還歌咏帝力亦當如何茲又聖朝盛事敢不併書之是年八月十有一日

郭婆井 在鐵冶嶺北釀酒煮藥者多汲之

萬歷舊志

嘉靖已

亥浙西半歲無雨井泉俱竭惟吳山郭婆井泉自石壁流

出宛如平日

七修類稿

毛先舒郭婆井說此井在鐵冶嶺北稍東十眼甚深欄堯工績泉味清美亞

于虎跑泉但相傳爲晉郭璞所鑿者俗之訛也而同邑丁文策博雅喜搜古蹟云昔有郭公好施常穿井濟人妻與子亦雅與同心公所鑿曰郭公井在今高士坊子所穿曰郭兒井在江干此郭婆井妻所鑿也後一書生住鐵冶嶺

近此井惡郭婆名不雅馴乃改景純名名之建坊立廟皆其爲也後遂病目盲舊志亦稱婆今仍之記此以俟更攷云

相公井 在鐵冶嶺步司衙紹興間節度使趙密爲步帥

日浚此井水極清甘軍人呼爲相公井上有亭

咸淳志

惠利井 在清湖洪橋西楊和王府內通西湖水口其孫

奉議文晉撤庫屋爲井以便衆汲作亭覆之

咸淳志

今爲城

基

咸化舊志

義井 在薦橋北俗呼四眼井水宜染紫與他井異染工

多取焉

咸淳志

銀瓶井 浙江按察司署乃岳鄂王故第至今祠王爲土

神庭前有井相傳王遇禍時其少女抱銀瓶墜此井死正

德中梁公材表其井曰孝娥

兩湖塵談 劉五清孝娥井 銘天柱 魏日爲月 禱忠烈好

檜孽娥叫父冤莫雪赴井抱瓶泉化血血如霓憤如鐵
曹江之娥符爾節噫井可竭名不可滅 王逢銀瓶娘子
辭蒼梧月落烏號霜寒泉幽凝金井床綺疏光流大星白
夢驚萬里長城亡女郎報父收罔匍匐將身贖無所官
家聖明如漢主妾心愧死緹縈女井臨交衢下通海海枯
嚮遷井不改銀瓶同沉意有在萬歲千春露神采魂兮歸
來風泠然思陵無樹容
啼鵲鄂王墓木西湖邊

錢王井 寶正六年浚中興寺戒壇院井井九十九眼號

錢王井

十國春秋

祥符寺井吳越王所開凡九十九眼後爲軍

器所墜塞今僅存數眼

咸淳志

白井 在福清巷東正統間徐晞爲兵部尚書常從遊西

苑左顧而笑問之曰臣愛此石潔白英宗卽以賜之及晞
致仕歸以石琢爲井闌而建亭其上篆書曰白井

仁和縣志

杭州府志卷十四

山川二

錢塘縣上

龍山 在錢塘縣南五里一名卧龍山又名龍華山天目

分支蜿蜒而來結脉于此宋淳熙十二年大閱于龍山卽

此大清一統志郭璞所謂龍飛鳳舞到錢塘言此與鳳皇山

也方輿勝覽龍華山有石如龍與上下兩石龍寺接武林舊事西爲

樵歌嶺與南屏山連屬北爲慈雲嶺與鳳皇山連屬南爲

丁婆嶺與大慈山連屬其支漫衍總名龍山下有進龍浦

其東爲龍山河龍山渡錢塘遊覽志蘇軾曾元恕遊龍山呂穆仲不至詩青春不覺老朱

顏強半消磨領簿間愁客倦吟花以酒佳人休唱日銜山
 共知寒食明朝過且赴僧牕半日閒命駕長安邀不至浴
 沂曾點暮方還揚萬里到龍山頭詩影靜長安道涼風
 響轡銜海天低到水江日曉明帆潮道先驅壯聲吞絕島
 嶼黃塵征袖滿却愧著朝衫張杖重九日與賓佐登龍
 山詩曉風獵獵笛橫秋澤國名山九日游萬里烟雲歸老
 眼千年形勢接中州邱原到處堪懷古黃菊隨時豈解愁
 此日此心誰共領朝宗江漢自東流王銍九月二十七
 日與客遊龍山詩野服芒屨步步同天寒酒薄客情濃身
 如萍水同千里路入烟蘿更幾重滄海清江共今古黃花
 紅葉雜秋冬暝雲自與千峯合送我歸鞍寺寺鐘柳貫
 遊上龍山詩滿谷天風草木薰入林朝衫爛成文危峯剝
 削蓮花出細水灣洄瓜蔓分散落岩扉時作雨飄來松靄
 卽成雲毒龍猶避安禪窟未必夔魑敢亂羣戴良游龍
 山詩昔聞龍石名今覓龍山路泛江循近洲卽陸入遙樹
 離離列綵岩泣泣濯甘露嶽見兩微峯高出雲飛處好山
 殊未歷游子已多趣尋幽雖欲行愛境不能去庶憑物外
 蹤稍息塵中慮佛廬既崇曠雲閣復高據登臨當雨餘眺
 望屬秋暮意同疎木寒興逐鷺鳥翥蒼蒼暝色起杳杳鐘
 聲度耽歌樂地幽趨事嫌跡遠爲謝林下人行當重游寓

按萬歷志載諸山頗詳獨畧于龍山惟包家山下有南

爲龍山一語耳西湖志引萬歷志文誤以縣志爲府志

育王山 卽龍山峯之最高者有登雲臺乃錢氏郊天之

所宋園丘亦在焉

大清一統志

俗稱鍋子山壁立尖聳特異

諸山其前有龜疇田宋郊壇也

萬歷錢塘縣志

在南屏山東巉峩

與南屏埒樹尤深秀蒼蔚

舊志

巔有玉皇廟故稱玉皇山亦

云育王蓋龍山者錢氏郊天之所釋老之談或云阿育王

或云玉皇皆祀天遺意也

神州古史考

張丹登育王山

王聊登躡拭目一展眺

羣峯逸以接早見古渡口行人爭

利涉汨汨江水駛藐藐雲樹疊連厓旣左紆類沙亦右狹

古翠相映媚新烟恣吐吸方峪徑透迤卦田草踐踏

眷念宮闕頽孽睇蘿蔓匝漫漫抱空意寂寞何所愜

玉厨山 龍山稍南爲玉厨山

西湖遊覽志

一作玉池山又名

伏龍岡山洞多石龍鱗甲悉具似蜥蜴五爪黃碧色好事

者緘于甕啟之輒化去

錢塘縣志

韋人鳳江干曉發抵

明月滿滄洲今朝曉發老溪渡明月依然挂江樹江水湛
湛接混茫東方曠曠放曙光回首明月不知處孤帆已到
西陵塘江湖海霧遙相接萬里洪濤不可涉獨坐長愁行
路難北游徒作窮途泣回思中夜神超忽高眠還弄西湖
月

妙因山 龍山稍南曰妙因山

嘉靖浙江通志

按育王玉厨妙因三山皆龍山也前志多分載今姑仍

舊因亦作音

包家山 龍山下爲包家山有冷水峪多桃花名桃花關

大清一統

志

在嘉會門外春時都人游觀桃花最爲勝賞方

勝覽桃花關門上舊有蒸霞二字戶志都人多就包山作園

以植桃花諸園中以內貴張侯壯觀園爲最都城下臨清

溪宋時號小桃源俗亦名邊家山錢塘縣志樓鑰包山

層巔嶙峋巨石中屈曲扶闌千夜來雨初過石罅時涓涓

輕輿到岡頭大江橫吾前亭午湖方盛千艘散平川道人

第三間花木羅後先竭來汨京塵曠望爲洗煎山斷塔層

層西陵渺蒼烟此道去邯鄲歸心更翩翩胡仲參和伯

氏包山觀桃花韻詩因訪桃花到嶺根御林春色此平分

千株未數栽唐觀一幅猶堪畫晉源仙在雲間無處覓人

行風外有香聞笙簫隱隱官城隔一簇黃昏更斷魂冷董

嗣果包家山詩倚霞蒸日透林梢一簇南山尚姓包冷青

峪邊苔色老冲雲樓下樹陰交園隣古道傳耕藉臺倚青

城想拜郊欲趁桃花尋隱去關門無鑰不須敲張翥清

明游包家山詩二首遠近紅干樹繁開奪艷霞月明寒食

雨春老上陽花輦路迷游躑宮辭入夢華東風葵麥浪回

首野人家太液曾來鵠高臺舊隱娥美人黃土盡故園白
雲多野草荒神藉官蓮怨襪歌圍人洗馬處斜日滿寒波

按水經注錢唐有定已諸山皆西臨浙江一本作定包

諸山今錢唐無已山或作包者是歟蘇軾有介亭饒楊

次山詩自注云郡人謂介亭山下爲桃花路此去介亭

故不遠也

月輪山 在龍山西南左右形圓如月故名

咸淳志

其高聳

者爲月輪峯有六和塔

名山記

張君房任錢唐令宿月輪山

寺僧報桂子下塔遽起望之紛紛如烟霧回旋成團散墜

如牽牛子黃白相間咀之無味

方輿勝覽

余弼題月輪山慧悟禪師上方詩孤峯

牢落幾何年臺殿於今半插天已見精藍誇絕徼更將寶
塔在危巔州霞色任陰晴變鐘鼓聲隨上下傳珍重老僧

無別境一生
幽趣祇山川

秦望山 在縣西南十二里輿地志秦始皇東遊登此山

瞻望欲渡會稽故名後唐同光中錢氏于秦望山建上清

宮

大清一統志

大順元年九月王築新夾城環包家山洎秦

望山而廻景祐三年七月築羅城自秦望山東亘江千咸

亨時京師有望氣者言錢唐有王氣命侍御史許渾等賁

璧瘞此山以厭之

吳越備史

山有巨石二十餘株自然成行名

金洞門

晏元獻輿地志

舊志云在錢唐舊治南一十二里一百步

高一百六十丈周廻一百步

咸淳志

會稽有秦望山秦始皇

登之以望南海海鹽有秦望山秦始皇登之以望東海此

錢唐之秦望山或登之以望浙江若海鹽會稽矣

神州古史考

薛據登秦望山詩南登秦望山極目大海空朝陽半蕩漾
晃朗天水紅溪壑爭噴薄江湖遞交通而多漁商客不悟
歲月窮振緒迎早潮弭棹候長風余本萍泛者乘流任西
東茫茫天際帆淒泊何時同將尋會稽跡從此訪任公
羅隱秦望山僧院詩巉巉危岫倚滄洲聞說秦王亦此游
羈主卷衣纒二世老僧傳錫已千秋陰厓水激松根直蘚
壁苔侵畫像愁各是病來
俱未了莫將煩惱問湯休

孤山 縣西二里裏外湖之間一嶼聳立旁無聯附爲湖

山絕勝處亦曰孤嶼又名瀛嶼宋處士林逋隱居于此舊

多梅爲逋手植梅徑猶存

大清一統志

去舊治四里湖中獨

立一山人多留題紹興十六年建四聖延祥觀于此

方輿勝覽

山坦平綿邈與寶石諸山隔湖相望

方輿紀要張祜孤山寺詩樓臺聳碧岑

買舟來葑岸春回草山亭雨謝梅懷山成悵惘日暮惜空
回董剛果孤山詩標緜蓬萊擁翠寒百年營取屋千間
黃庭殿蓋烟霞老瀛嶼堂幽日月開水泛花陰藏葦路
塙分柳色護仙關林家梅冢陳家相千古流傳鎮此山

巨石山 一名石甌山吳越王錢氏號壽星寶石山後改

爲巨石山

咸淳志

錢唐有石甌山魏石如甌然

隋書地理志

縣西

石姥山絕嶺之上有一石甌大數十圍其下有三石足

錢塘

記郡國志云巨石山上有七層古塔王僧孺云巧絕人工

山北有落星石存

太平寰宇記

寶正六年封巨石山爲壽星寶

石山

十國春秋

高六十三丈周回一十三里一百步

碑符圖經

在城

西北負郭挺立上有保叔塔本名寶所塔宋乾道二年大

閱于此

讀史方輿紀要

山頂爲寶峯下爲金牛嶺和傳金牛隱此

錢塘縣志 都穆游寶石山記 壬戌秋八月既望于至杭
聞西湖之上有寶石山甚勝將以斯夕玩月其上或人周
學論與予自山之陰而登酌元學士黃晉卿讀書之軒俯
瞰全湖一碧萬頃而吳山前據類屏障然其他若鳳皇南
屏之山萬松蔭雲之嶺又皆蜿蜒回拱欲趨而先其東則
錢塘之江瀾漫浩渺極目無際而西陵諸山出沒烟霏翠
靄間誠天下之絕境也夕陽既沒明月在軒山姿水色倏
然而更予情愈豁飛觴痛飲巡闌忘寐益不知夜之幾何
恍若置身廣寒清虛之府樂可言耶予性好月丙辰中秋
嘗玩于揚子江之金山每誇于人以為奇觀今復玩于此
殆造物者之不吾靳而亦豈易得哉夫湖山月色千古常
新第以人情之異故悲喜隨焉前乎吾者其賞與否悲與
喜固不可得而知也 聶大年六月朔游寶石山詩 奎章
學上今安在寶石孤峯尚宛然日氣射廳知海近湖光如
鏡照人圓金錢捨塔從何代石屋題詩記
昔年好在同游二三子重來笑我已華顛

按太平御覽地部器物部共三引錢唐記兩稱石姥山

一稱姥山是晉宋以前此山又有石姥名也錢王封山

時羅隱爲記有句云或聳秀而層排巨石或峇巖而朝揖衆山此巨石之名所昉太平寰宇記載此于於潛縣恐非

霍山

在錢塘門外

咸淳志

寶石山北爲霍山山最小而石

骨鱗起其下爲錢氏羅城舊址

讀史方輿紀要

寶稷山

巨石山下爲寶稷山有屯霞石色赭如霞介立

崖畔

萬歷舊志

按寶稷山以保稷山王而名自宋人始今廟在山麓瀕湖之所者是也或以爲卽寶石山者誤保寶古字同用

寶雲山

在寶稷山南棧閣凌空延眺極勝

名勝志

履泰山 在縣西北十二里葛嶺西其山爲棲霞嶺其北
爲古劔關左曰寶雲山右曰仙姑山兩山夾立宋置巡司
于此水流其間名曰桃溪 大清一統志 履泰山卽棲霞嶺西
湖游覽志有其名實無山也或因下有履泰將軍廟云 西湖志

按凡嶺皆統于山因嶺名較著遂謂無山非通論也履
泰本係鄉名所管有胭脂掃帚青枝等里自胭脂嶺至
青枝塢皆履泰境鄉之山皆得以履泰名非特因金沙
港有履泰將軍廟也

西觀音山 在錢塘門外王家橋試院後山是也

咸淳志

按武林舊事次列此山于玉泉青芝塢間咸淳志王家橋與清水橋西堰橋等並載似上在棲霞嶺北羊角塢西問土人未有能言之者

仙姑山

在錢塘門外東山

咸淳志

東山又名仙姑山

夢梁

錄山界于履泰靈隱塢之間

名勝志

山廣平迤邐稍西爲玉

泉又西曰靈峯自玉泉折而西北爲青芝塢塢北爲秦亭

法華諸山

萬歷舊志

集慶山 在仙姑山西南山前路折而南由飛來峰下至

上中下三竺三面阻山中間直闢長松夾道唐刺史袁仁

敬所植凡九里名九里松

大清一統志

按癸辛雜志言淳祐庚戌創集慶教寺于西湖積慶山
改九里松舊路蓋此山初名積慶九里松路亦與今路
不同

武林山

亦名靈隱山

錢唐有武林山武林水所出

漢書地理志

武

林山高九十二丈周迴三十里錢源出焉

十三州志

浙江又東

逕靈隱山山在四山之中有高崖洞穴山下有錢塘故縣

浙江逕其南

水經注

靈隱山在州西北一十七里

元和郡縣志

元

和四年二月至杭州如武陵之山臨曲波觀輪春注曰卽

靈隱天竺寺山

李翔來南錄

許由葛洪皆隱此山入去忘歸本

號稽留山今立靈隱寺焉

太平寰宇記

武林山在縣西十五里

周一十二里又曰靈隱曰靈苑曰仙居

祥符圖經

上有五峯曰

飛來曰白猿曰稽留日月桂曰蓮花山前有澗卽武林泉

也

武林舊事

俗稱西山其山起歛出睦跨富春控餘杭蜿蜒數

百里以結局于錢唐

萬歷舊志

武林山見漢書成化志以靈隱

後山北高峯當之或云今飛來峯爲武林惟邵重生云武

林乃南北諸峯之總名及東晉以後因有諸山而武林山

反以無專名而晦其說甚辨今當從之

名勝志

武林山志釋契嵩

北起者曰高峯冠飛墪而擁靈隱岑然也高峯之東曰屏
風嶺又東曰西峯又東曰駝嶽嶺俗謂之駝苑乃語訛也
其高峯之西者曰烏峯又西曰石筍又西曰楊梅石門又
西曰西源支出于西源之右者曰石人有峯南起望之而
葛然者曰白猿左出于白猿之前者曰香壑蓋前而垂澗
者曰興正右出于白猿之前而雲木森然者日月桂白猿

之東口臙脂嶺白猿之西曰獅子又西曰五峯又西曰白
雲又西曰中印西向而走迤邐于武林之中者曰無礙又
前日善住並善住而特起者曰稽留俗謂雞籠語訛也其
稽留之西曰蓮花有岩號玉女其蓮花之東曰飛來峯乃
西僧慧理所謂靈鷲小嶺之飛來者也昔多仙靈隱焉乃
呼白猿而驗之南屏天竺北障靈隱其巔有天然石梁其
中有岩焉洞焉洞曰龍泓曰青林岩曰理公龍泓二洞前
者北瞰後者東出謂其潛澈異境絕浙江下過武林也山
與城闔相去十有二里周亦如之秦漢始號虎林以其棲
白虎也晉曰靈隱用飛來故事也唐曰武林遊國諱也或
曰青林岩仙居洞亦武林之別號耳其水南流者謂之南
澗北流者謂之北澗南澗自合澗橋至白雲峯北凡八逾
橋其七石也其一木也北澗自龍脊橋至于西源峯之址
凡七逾橋其四石也其三木也南澗源出白雲峯之麓東
注會他支澗逾第八橋之西復東注會奚家澗入新移澗
出澗口曲流北之合澗橋北澗源出西源峯之腹東注過
騰雲塢稍通楓樹塢口湍于第五橋下浸飛來峯址會于
西塢漾亭于洗耳潭諸于澗者東舉亦謂之暖泉也漱澗
于冷泉亭下徑呼猿石門澗潛激于伏龍泓過龍脊橋下
東注于合澗又東注二里過行春橋出靈隱浦入于錢唐

湖古所謂錢唐源泉出武林山此其是也其泉之南出者
日月桂曰伏犀曰丹井曰永清曰偃松曰聰明曰倚錫凡
泉之源七月桂在天竺寺伏犀在飛來峯之巔其五皆在
支塢其泉之北出者曰冷泉曰韜光曰白沙曰石笋曰白
公茶井曰無著偃松曰永安北源曰彌陀西源曰騰雲上
源凡泉之源九冷泉在潤孺其八在支塢其古人之遺跡
南塢若吳葛元之葛塢若晉葛洪之丹井若宋謝靈運之
翻經臺若隋真觀所標佛骨之塢若唐道標杜多之草堂
北塢若漢陸倕之九師堂若晉葛洪之伏龍石門若晉許
邁之思真堂若晉慧理之燕寂岩若晉明甫之客兒亭若
宋智一之飯後臺呼稜澗若梁簡文所記之石像若梁朱
世卿之朱墅若唐白居易之烹茶井若唐袁仁敬之袁君
亭二塢總十有六事從古今相傳雖名存而其事頗亡不
可按而備蓄 邵穆生武林山辨武林杭之名山因以名
郡而古今皆隸 未有直指其的為某山者舊志以武林
門右土阜俗稱祖山者當之為其山名虎林以避唐諱
改稱武林成化志引宋樓攻媿詩武林山出武林水靈隱
後山無乃是且言漢書明載武林山為武林水所出安得
有避唐諱之說決非城內無水小山明矣是夏公斷以靈
隱後山北高峯為武林山矣與薛公通志同借偏而未全

一統志列武林山當矣下曰一名靈隱一名靈苑一名仙
居乃以靈隱山飛來峯二山爲武林山是矣特誌而未
至沙門契嵩武林山志與泗水潛夫武林舊事直以飛
峯爲武林山似矣又局而未廣近田公西湖游覽志陳公
萬歷志皆不列武林山而以靈隱山下言一名武林山豈
唯齟齬不明而名更不正予爲著辨以俟質之君子凡郡
邑之著稱者必以郡中佳山水祖山蟻垤不足以當固矣
特靈隱之名發于東晉其先秦兩漢厥名伊何愚謂凡謂
之山者以其全體而言也高聳者曰山峯如脊者曰山嶺
至阿陵邱阜皆有分別而一山宇足以概之故武林山之
名乃靈隱天竺諸峯之祖名也自慧理既來之後有飛來
之名焉有靈鷲之名焉有靈隱之名焉有天竺三竺之名
焉至于蓮華佛國白雲白猿獅子香爐皆繼慧理發之而
爲武林之支名南高北高乳竇月桂諸名又後人之濫觴
也其曰形勝烏石靈苑仙居龍門楊梅西源善住又土人
之私謚也自有諸名而武林反以無專主而晦如子姓衆
多而又著則祖父之名遠而晦久而忘此常道也且求武
林山者必當求武林水杭南北二山之水孰有大于靈隱
三竺之溪乎南則從捫壁嶺合雙檜永清月桂諸塢北從
石人西源台白沙韜光諸塢正與舊志合曰武林山有二

水南出者曰南澗北來者曰北澗若唯以靈隱寺山爲武
 林山則惟有北澗而無南澗若唯以飛來峯爲武林山則
 飛來峯無水出澗若以靈隱飛來二峯爲武林山則南澗
 從天竺諸峯來發源不全况舊志云西湖滙武林山水秦
 時名武林水至漢方有金牛明聖之號則南北二山凡有
 水流入湖者皆武林山也質高人之偉見稽形勝之現存
 吾于武林也奚疑張祐題靈隱寺詩峯巒開一掌朱檻
 幾環延佛地花分界僧房竹引泉五更樓下月十里郭中
 烟後塔聳亭後前山橫閣前溪沙涵水靜澗石點苔鮮好
 是呼猿久西岩聲響連梅詢序靈隱寺十咏石刻詩杭
 州靈隱山天下之泉石刺史白樂天賞之心不數沒去數
 百年林泉有羞色我持百里權暇日訪林泉愛之不忍去
 茹筆屢成篇收攬造化工盡驅詩思中十題四百字他山
 藉磨礱且收紀遺咏非矜大翰功他年遂招隱來此觀奇
 蹤王今同願保之游靈隱山詩閉門不見春色到出城
 始見江梅開行探幽泉至高絕共坐巨石聊徘徊時逢天
 風吹容過還野有野鳥驚人來林間眄借所未歷歸馬空載
 斜陽回葛天民西湖泛舟入靈隱山詩騎嵐漠漠水落
 洛落葉遮船翠葢重秋色盡爲漁者占山光多向道人樓
 雲連台抱前村樹澗繞飛來小朶峯送罷夕陽迎素月樓

臺高下自鳴鐘 張雨游靈鷲諸山洞詩碎此空青寶納
彼黃金龕水流淡無與石色終懷慚顯途讓羣趨幽辨恣
窮探紅泉浸短草翠雨淋長柗靈運久成佛妙語將誰參
猿公亦自慰復聆勝士談前旌周雨避後乘杳木驂周旋
蟻封中邱垤皆精藍菜肚乃知足爲
日庸非貪維南專一壑歸矣投吾簪

按武林旣爲湖上諸山總名今仍次列于集慶天竺間
從現所指呼處以發其凡遵

大清一統志之例也來南錄稱武陵山吳虎臣云杭州無武陵
山當是筆誤攷林陵古字通未可卽以爲誤也

形勝山

資嚴山一名形勝山

錢塘縣志

烏石峯亦名形勝山

在北高峯西上有烏石

靈隱寺志

杭守祖無擇愛此山之勝結

菴于此自詠有形勝山前感物華之句

武林梵志

按山有普圓院吳越時額曰資嚴遂以名山凡韜光永
福石筍烏石皆統屬于此山其高則與北高峯埒實諸
山中大山也

天竺山 在郡城西一十七里葛仙翁得道之所

九域志

自

靈鷲至上竺郎當嶺止周回數十里岩壑尤美下竺寺後
諸岩洞皆嵌空玲瓏瑩滑青潤如虬龍翥鳳如層花纍萼
穿幽透深不可名貌林木皆自岩骨拔起不土而生傳言

茲山韞玉故腴潤若此石間波紋水迹不知何時有之其

間唐宋游人題名不可殫紀

武林舊事

天竺峯巒迴合湖山之

最幽深處溪流清淺澗水齒齒桃始華謁天竺先生者道

爲之噎

湖上編

天竺兩山相夾迴合若迷山石俱骨立石間

更饒松篁下竺已荒落中竺如之至上竺山巒迴抱風氣

甚固望之頗雄勝

西湖小記

崔灝游天竺詩晨登天竺

繞直上孤頂高平看衆峯小南州十二月地煖冰雪少青

翠滿寒山藤蘿覆冬沼花龍瀑布側青壁石林杪鳴鐘集

人天施飯集猿鳥洗意歸清淨澄心悟空了始知世上人

萬物一何擾李白與從姪杭州刺史良游天竺詩挂席

凌蓬邱觀濤憩棹樓三山動逸興五馬同遨遊天竺森在

眼松風颯驚秋覽雲測變化弄水窮清幽疊嶂隔遙海當

軒寫歸流詩成傲雲月佳趣滿吳洲蔡襄入天竺山留
客詩山尖物態弄春暉莫爲輕陰便擬歸縱使晴明無雨
過入雲深處亦沾衣郭祥正天竺峯詩誰從天竺國分
得一峯來占盡湖山秀最宜山雨開李茂之詣洞霄宮
出天竺山詩九里松陰路三天竺國山日蒸岩霧紫花點
石苔斑溪盡寺方到雲深僧獨閒行吟隨杖履蹤跡出人
間俞德麟天竺山詩鷲嶺舊尋詩重來十載期蚤吟僧
定楊猿挂鶴棲枝山月穿窗入溪雲傍竹移一聲清磬發

因悔出家遲 方回三天竺道中詩三天竺路漸平登高
似雷峯塔幾層山到無人行處好松陰萬樹立孤僧 仇
遠遊天竺詩行過山巔又水涯尚無紅葉與黃花長松夾
道六七里小墅通卹十數家竺國雲深僧寂寞草堂洞古
石嗟牙野翁共醉官廬酒扶醉歸來已暮鴉 白珽游天
竺後山詩山轉龍泓一徑深嵐烟吹潤撲衣巾松蘿掩映
似無路猿鳥往來如有人講石尚存天寶宇御梅
曾識建炎春城中遮日空西望自與長安隔兩塵

天門山 在北高峯後雙峰削立高與雲齊故曰天門 錢塘

縣志 吳農祥天門山詩天門何崔巍下視盡江浦海風
吹白雲日華返紅雨島嶼晝夜浮清蒼盡可數巨石橫
空欲落還奮怒真宰有倚伏迹近堪覩深壑垂鷲泉涓
滴似甘乳我來二三月景物正當午俯首玉女岩接膝珍
珠塢石人冠帶偉新婦銅車古清波渺漁舟疎林響樵
斧老人游賞達近郊若廊廡安得携尊壘微月看西吐

龍井山 龍井山幽僻清奧杳出塵寰有水一泓寒碧異

常泯泯叢薄間其地產茶爲兩山絕品 萬歷天門山側爲

舊志

獅子峯峯下爲老龍井山徑孤峭草樹蒙茸爲南山最深

處

錢塘縣志

葉紹翁秋日游龍井詩引道煩雙鶴携囊

倩一童竹光杯影裏人語水聲中不雨雲常濕無霜葉

自紅我來何事端爲聽松風申時行游龍井山詩籃

輿轉入白雲林山路透迤一徑深夾道松杉倚久照凌空

臺殿倚松陰丹楓半墜翻經葉黃菊全舒布地金坐對山僧渾不語當門流水是禪心

按井之所在爲風篁嶺嶺與獅子峯脉絡無間總稱則

皆曰龍井山山名見夢梁錄餘詳後第四卷及名勝寺

觀卷中

雞籠山

在風篁嶺側高而圓若雞籠然

咸淳志

舊多梅花

土人稱爲梅花嶺其下爲褚家坎

錢塘縣志

棋盤山

在風篁嶺北山頂有方石舊傳丹砂爲局子分

黑白今已漫漶登其巔則江湖之勝皆可環眺

西湖游覽志 吳農

祥棋盤山仙人棋詩朱草瑯琊滿地垂仙人玉局學彈棋無端紫府爭間劫滄海桑田又一時

靈石山 在南山棲真院之上

西湖古蹟事實

一名積慶山一名

靈石塢在西山放馬場側山石嘗見光怪故名

咸淳志 祥符

志謂有靈石在崇因顯報院舊嘗有祥光現又半山有靈

石西菴泉石尤美皆以靈名

咸淳舊志

金樞密淵嘗作書堂於

此理宗御書積慶山以賜凡錢塘城邑江湖之勝皆近几

席間乃南北二峯中之最高一山也下有君子天一二泉

武林舊事

山畔有平鼎永清馬鞍延壽等名麓有吳越太尉薛

居正墓墓側有白蛇巖崑崙巖

西湖游覽志

楊蟠靈石山詩石冷雲常挂林寒鳥

未棲青松花白發不使後人逃 郭祥正靈石山詩靈石
山前路山深寺更深不知明月去空惜白雲沉 范成大
游英石山寺詩西湖富清麗城府塵事并我獨數能來不
負雙眼明駭駭殘絮罷踐踐新荷成歲華日夜好游子能
無情午陰釀初暑稍喜巾袂輕山風吹鬢毛將我入松聲
崖寺金碧暗石泉肝膽清寺藹萬蛟舞靈峯雙髻撐仙人
昔來游筆墨上朱堯舉臂諄丈高聊得兒童驚老矣謝猿
猶題詩記吾曾 張翥靈石道中詩重岡直上兩崖折中
有白道來蜿蜒深溝水下石先走老樹上崩根倒纏黑變
虎文瓜卧圃黃偷鶴眼稻垂田永康遺廟無人祭日暮啼
烏愁 野烟

按范詩所稱仙人事詳見竹坡詩話屬靈石寺而集作

英石山寺蓋此山又稱英石也萬歷志云舊載山在西

山放馬場又云在南山棲真院山名同而西南異壤疑

爲兩山考棲真爲吳越舊寺宋改崇報顯慶院咸淳志

亦云在放馬場蓋此山草木豐茂吳越南宋皆嘗牧馬於此因卽爲地名西山爲湖上諸山通稱南山則別靈竺言之未嘗齟齬也今土人呼其最高一巒曰天馬山又呼嶺曰馬陂嶺猶存遺意

花家山 大麥嶺後爲花家山又名蛇山夢梁錄與三賢堂

後相對咸淳志嶺畔舊有盧園今廢瀕湖而登爲茅家埠西湖

游覽志仇遠蛇山詩罔尋石澗到雲扉樹影生涼怯翠衣靜碧軒窗聊寄傲軟紅塵土竟忘歸滿傾竹葉春霞滑輕滴燕花晚露晞禪意法乘俱莫問且談舊事共依依

丁家山 南高峯之支爲丁家山峙于湖中萬歷錢塘縣志上有

高埠與北岸之烏石峯棲霞嶺相拱揖雍正九年總督李

衛旣脩濬西湖爰芟刈榛穢闢磴道數十級延緣而登因
置亭爲憩息之所西湖志厲鶚春晚同吳尺鳧登丁家
山新亭詩百轉鸞關百舌催游人猶向
此山來雙亭半倚林蘿出一壑中分紫翠開笑挽風光歸
健筆醉邀湖影入深盃平生野服宜春服惹得松花竹粉
回

三台山 南高峯之支三峰儼峙中尊旁翼圓秀如畫歷

錢塘山在玉岑山少北讀史方輿紀要吳鑑志三台山
縣志

弄明月下方風雨多秋猿吟巖壁暮
虎滿深阿擾擾風塵者因之托浩歌

赤山 在縣西南十二里舊志自太子灣而西有玉岑又

西卽赤山與九曜山相接自西湖出江干往往取途于此

俗名赤山埠大清一統志山北連麥嶺東接湖濱與玉岑對

峙名勝志

按赤山埠口皆平壤赤山所在莫能實指舊志以兔嶺爲赤山之陰則其陽石屋嶺錢糧司嶺諸山皆其支也後人或謂山高不盈十丈廣不及數畝疑屬傳會攷宋建炎中金元帥宗弼兵進臨安突至赤山則赤山自宋爲通衢不當強指一山以名之矣

玉岑山 在惠因寺前一峯聳起衆山繚繞石中有古木

倒垂森翠可愛

咸淳志

此山秀潤異常相傳產玉山門玉岑

二字宋理宗之筆也

名勝志

理宗御書玉岑字一刻石一題

扁又別有許采書二字

武林梵志

李流芳玉岑閑行口占詩玉岑山脚水濛濛寒日暉暉

下稻堆穿過松岡尋法
相滿空黃葉打頭來

翁家山 在南高峯南羣山包絡石磴參差星廬數百竹

木掩暎地宜桂秋時如入衆香國焉錢塘縣志 朱彝尊翁家山詩岩岩翁家

山松花滿深塢村民高下居少長齊捕虎但誇弓弩強不識耕耨苦 王又曾翁家山詩數里踏龜背沼流倏已緬

踏蹬躋深竹不知前路轉巖巖招村煙高下帖懸棧雲根幾株松籬落一聲犬山深征稅薄時平虎豹善盡脫弓弩

衣驅兒服溝畎何時買耕犢負鋤足雙繭

南屏山 在縣西南三里峯巒聳秀環立若屏中穿一洞

上有石壁刻宋司馬光書北有淨慈寺大清一統志山在興

教寺後多怪石有石壁若屏障然咸淳志山高四十餘丈延

袤可八里許卽九曜山分支一云佛國山淨慈寺志 釋契嵩游南屏山

記畧由山之麓而上百步許東趨抵霽雲亭西趨則偃僕
過小石門抵于積翠亭由霽雲亭益西則入于叢竹之間陰陰
東則深林茂草也由積翠亭益西則入于叢竹之間陰陰
森森殆不可勝數有石座環布中可函丈由積翠亭西曲
折而上抵于發幽亭視錢唐城郭若見諸掌差發幽亭而
東至于白雲亭厥徑枝分所往皆茂林脩竹不知其極矣
由發幽亭又曲折而上援蘿蔓陵層厓履危磴至于山之
巔一顧四達廓如也吳江越岫儼然在眸子其山控鳳皇
城之西偏南走湖上高岫靈鷲而俯揖胥山大約從麓至
頂岩石皆奇殊形詭狀世所無有如人物禽獸飛走騰躍
往往雲氣欬作交相掩映或聞是山者初葉于莽蒼雖樵
蘇豎子莫之肯顧一日爲好事者所知闕而發之杭人莫
不驚怪以爲天墜地湧悵恨其得之太晚于是推高是山
雖瀕湖千岩萬壑皆莫出其右者蔡襄奉荅孫推官南
屏舊遊詩已憐叢翠在湖邊最勝濃嵐返照前未有工夫
能刻飾祇因山骨自清堅岩端下溜添春潤穴底來風送
野烟欲仗何人安展齒更尋幽境一攀緣蘇頌次韻蔣
穎叔同游南屏見惠長篇詩青山橫莽蒼萬石出南麓古
剎表者闍高峰聳羣玉居惟擇岡巒近靡數松竹郡郭路
非遙游人春不宿陟巖極躋攀循厓勞偃伏架筒引流泉

跨嶺構重屋講座據妙峯禪堂對枯木幽尋難屢期好往
誰能獨偶逢霜臺客暫駐驄馬足聯步訪叢林終朝走
欬相期方外游頌忘河上曲夷路喜君騰高閣暫于東
聽名理言俯愜心中欲况已證真常詎止齊龍屨願言
清風可用警浮俗揚蟻南屏山詩日落游人散山寒起
樹聲玲瓏石上穴處有雲生周郊呈蘇公詩并叙竊
聞子瞻學士昨日飄然單乘獨出南屏旋至北山窮幽覽
勝真得物外自適之趣然嘗誦歐陽公詩云使君厭騎從
車馬留山前行歌招野叟共步青林間明公今日之樂正
得于此因成詩上寄放歸騎獨尋山直入青蘿翠靄間
謝客杖藜方自適阮公蠟屐許誰攀何愁白髮能添老須
信黃金不買閒應向林泉得真趣徜徉終日未遑還張
翦閨九日游南屏山詩山僧領客興何長慧日峯前俯大
荒舊俗尚存三令節人生難遇雨重陽丹楓換葉隨秋老
黃菊留花過開香更欲摩崖訪陳迹西風吹冷薜蘿裳
王守仁南屏詩溪澗漠漠南屏路春服初成病眼開花竹
日新僧已老湖山如舊我重來層樓雨急青林迥古
殿雲晴碧嶂迴獨有幽禽解相笑雙飛時下讀書臺

按晁无咎和縉雲守關彥遠詩自言家世西湖側慣聞

洗土開南屏證以僧契嵩遊山記知南屏之峯石聳秀
經前人疏剔然也契嵩所云幽居洞小石門今與家人

卦琴臺諸刻皆在小有天園

小南屏山 在廣教院後怪石玲瓏亦類屏障

咸淳志

九曜山 南屏山西爲九曜山去城五里餘

大清一統志

與

大慈山連東接南屏上有發祥祠下爲丁婆嶺

錢塘縣志桑調元

登九曜山詩攀躋慧日頂高岡若連梭離立塢石圓碩果
天所產飛策升九曜危岬不可刻噴噴南北峯秀色二髻
綰主賓面背王一氣結慶旌秀鏡青天高光射明星皖
何人癖看山以頰拄手板却歸坐秋臆挹翠獨把琰

按九曜山以北斗九星得名若今廣州府之九曜石矣

或以五星四餘當之者誤

大慈山 在縣西南十里九曜山西圓岡雙峙勢若覆釜

大清一統

志

在龍山之西有虎跑泉

咸淳志

武林諸山自九曜

而南山勢翔舞石筍鱗見至大慈山前松杉碁布山色蒼

蔚中峯隆起旁舒兩翼具龜蛇旗鼓狀郭璞留記謂爲地

宅之奇

萬歷舊志

郭祥正大慈塢詩十利密相望林開

釋先覺題大

慈塢詩谷口兩三家平田一望賒春深多遇雨夜靜獨鳴

蛙雲暗未通月林香始辨花誰驚孤枕曉濤白捲江沙

月魯不花夜宿大慈山次金左丞韻詩大慈名勝舊曾游

路轉平湖景最幽岩下珠環時散彩林間石馬尚鳴秋昔

扶紅日勳勞遠今見青山草木稠把酒不須評往事海風

吹月上西樓 戴良游大慈山詩水行境謂盡陸出路潛

通乃卽蒼松徑步入青蓮官連障旣峭嶂密林亦蔥龍地

涉清淨界身游紫翠重臨流玩廣沼憇石眺奇峰寒鏡湛

秋夕碧玉劃晴空爾若與巖峻象筵緣教崇謁祠慨卿相

尋僧叩禪宗契理已無象觀念豈有窮願絕區中緣永依

山川

塵外踪塔然遺身世年齊天地終
賈德舉大慈山詩金
利蟠雲擁翠蛾衛王祠下得經過
六時花雨天香滿萬壑
烟雲王氣多渡海有僧留錫杖歸
田無客卧
松蘿三生欲問盤陀石塵劫茫茫
奈老何

馬鞍山

在兒門步司左軍寨後形如馬鞍故名

咸淳志五

雲山東五里爲大彎山稍北爲馬鞍山高五十丈周二里
萬歷舊志陸彥龍自虎跑歷馬鞍山憇九溪石壁精舍
詩佳氣盈春山鳴珂轉前緩臨風一律徊縱橫任所思所
思在深林佳茗晴于絲沈烟煮名水鑿味別澗溜幽賞動
移晷晨光何熹微高興涉層山絕頂窮巍嶺猿伏向人嘯
虎豹爲我啼從游攝心目悲風傷春萬策杖獨行邁鳴澗
緣遙支別館疏傾厓石壁延高樓披篠覓新術迴步迷故
蹊三徑開蔣生庭無求羊藜冥坐悟物化
達理不可欺誰能同妙善存情與推移

按此山與大慈山東西相望中隔大路東面路旁宋設
步司左軍寨南爲雙塔兒門西面曰小康塢有水自

塢注九溪上起二峯土人以其北峯呼馬鞍山南峯呼大彎山既取象馬鞍當以二峯統爲一名故咸淳志無大彎所云兒門應卽雙塔兒門之省文

五雲山 在縣西南二十里高千丈繞山盤曲而上凡七

十二彎石磴千餘級山半有伏虎亭至巔平岡亦名月輪

山

大清一統志

山周迴一十五里有真際院上有天井大旱

不竭

咸淳志

天門山之支也岡阜秀絕林壑蔚起長江三折

正當其面東北有白沙塢西北有雲樓塢

名勝志

東北有長

嶺長二百丈高十五丈通九溪十八澗又有姜釵嶺長一

百二十丈高八丈登山者取徑焉

錢塘縣志

林景初同金日新會宿五雲山詩

山氣清如沐林扉夜不扇月明苔徑白松暗水螢青幽蕙
臨風辨孤泉過石聽何當凌絕頂萬里極滄溟錢維善
五雲賞雪詩獻瑞名山自昔闕化人臺殿雜金銀樹靈尚
吐三花秀雲凍全消五色文鳥集穿江知棹泊鹿迷深徑
待樵分興來更上高寒處此境應無蕭使君馬臻五雲
山寫望詩少乏超絕姿瘦鶴存野格乾坤心自放顏覺塵
士窄安得千金橐使我窮地脉征途多荆榛此志寧復得
今晨躋山巔納納瞰南陌正東臨大江彷彿海外國孤帆
揚長風辭入秋氣白層巒引列陣下有雲霧隔不知誰家
樓突兀立遠色禹穴指顧中歷歷禾黍黑簸揚千古愁人
世一過客高歌據苔石坐見日車及目極窮冥搜一雁沒
空碧許穀登五雲山詩名山高推五雲層危磴重重躡
展登西望諸天應咫尺東來疊嶂總邱陵海門遙指三山
樹梵殿常懸七寶燈便掃蒼苔題短句乾坤高覽記吾會

排山 在定山之北邙有排山嶺在定山南邙屬仁和界

咸淳 范村山名排山 錄 五雲山東一里爲排山高三十

丈周回三里 舊志

按田氏游覽志載廣陵侯廟在江干石冢宋并封三女
爲顯濟通濟永濟夫人石冢今不著明天啟四年重建
排山三夫人祠記爲黃樞所撰云石冢在排山塢中亦
莫考

南蕩山 夢梁錄載周份周邦彥元絳三墓並在南蕩山
今考諸山無南蕩之名

西湖志

按西湖志以不知南蕩所在遂以元絳墓次駝巘嶺攷
錢唐定山北鄉管里四曰排山徐村牛坊南蕩則南蕩
自與排山牛坊嶺同在定山北鄉乾道志有南蕩巡檢
司咸淳志言周邦彥子孫尚居定北鄉以祖墓在南蕩

也東坡文集乞開石門河狀云前知信州侯臨因葬生
母於杭南蕩往來江濱相視地形建議自石門鑿爲運
河楊誠齋集有過南蕩詩秧纔束髮幼相依麥已掀髯
喜可知笑煞槿籬能耐事東扶西倒野酴醾皆南蕩事
蹟可撫者今山名雖經改易而里名如舊據里按之凡
山之在其里者皆南蕩山也

石壁山 去杭二十里走龍山而西窅然入深谷爲石壁

寺有溪流岩石之美

鍾津文集 釋契嵩入石壁山詩身似浮雲年似流人間擾攘只宜休老

來已習青巖子隱去應追帛道獻直入亂山應計路定
看落葉始知秋他時谷口人相遇莫問栽詩謝五侯

按咸淳志有石壁山云與龍駒山法華山並在欽賢鄉

東抵西堰橋依文乃是西溪路山別詳于後此山據道里近五雲山與彼不同

百丈山 雲棲寺之前山也

西溪梵隱志

按咸淳志寺觀卷云慶善院初名百丈山皇祐二年夏英公請充功德院舊有迎雲亭正觀亭百丈亭養高堂諸跡其院不著所在次于定山北鄉旌忠報先寺下當在徐范二村之間與梵隱志所稱正合

定山 舊志在縣東南四十里一名獅子山水經注縣東有定已諸山皆西臨浙江是也

大清一統志

錢唐西南五十

里有定山去富春又七十里橫山江中波濤迅邁

文選注引吳郡

緣海四定山突出江中波濤所衝行旅爲患太平御覽在
縣記引吳地記

縣西四十七里突出浙江數百丈郡國志云江濤至此輒

抑聲過是便雷吼霆怒其上有可避處行者賴之云是海

神婦家太平寰宇記高七十五丈周回七里一百二步咸淳志謝

靈運富春渚詩有曰定山緬雲霧卽此也有將壇在山北

每歲春秋士卒習水戰于此江月松風集宋泰始初會稽太守

孔顛等舉兵應晉安王子勛臺軍吳喜擊之遣別將沈思

仁破東軍于定山唐光啟二年錢鏐遣將自定山出海門

討薛朗于潤州卽此山讀史方輿紀要沈約早發定山

彩虹外置嶺白雲間傾壁忽斜豎絕頂復孤圓歸海流漫

漫出浦水濺濺野棠開未落山樓發欲然忘歸屬蘭杜懷

緣奇芳荃卷言採三秀徘徊望九仙張孝祥題定山寺
詩蹇騎夜入定山寺古屋貯月松風清止聞挂塔一鈴語
不見撞鐘于指迎錢惟善定山早行詩前峯月吐四更
初空翠沾衣積雨餘漁火夜明經峯行間雲秋重負蓮條
篠林虎與人爭昨菲屋雞催客趁墟不似關山行役者勞
勞服賈遠牽車殷雲弄夜登定山詩朝泛桐江水夜坐
定山石延蘿踞虎豹噓波動潮洑俯瞰馮夷宮疑入羽人
宅林靜江有聲雲昏岸無迹寂哉坐哀聽戚矣闕遠颺風
勢依峯峻月色連江白飛鴻鳴遠浦潛蛟舞深澤飄飄千
里舟脉脉獨游客乘槎嗟有志棲岩悲失策薄宦竟何有
幽期誰與適覺迷道有獲含欲情
無逆眷言詠白駒聊以慰今夕

按水經注以定已諸山爲縣東倪璠古史考據此知古
錢唐縣在定山以西他書多謂山在縣治西南惟萬歷
志作東南蓋相承古說然耳浮山倣此

浮山 在舊治東南四十里峙于江中方輿勝覽今號浮山頭

最爲險處

咸淳志

潮自海門西來勢若雷霆而浮山峙于江

中與漁浦諸山大牙錯入以亂潮水洄洑激射其怒自倍

沙磧轉移狀如神鬼往往於淵潭中湧出陵阜十數里旦

夕之間又復失去雖舟師漁人不能前知其深淺以故公

私坐視覆溺無如之何往來者皆由西興徑渡不涉浮山

之險

東坡文集

浮嶼在定山側浮江如盤石下有潭聚魚玲瓏

可觀潮出海門中分爲兩派東沿越岸西抵茲山而諺謂

之回頭浪

江月松風集

山高三十丈周廻一里其南二里爲湖

下山又二里爲泉井山皆高三十丈

萬歷舊志

張翥浮

有酒旗揀花開後絮飛時一溪春水浮黃蘋蒲樹喧風叫
畫眉入境漸聞人語好看山不厭馬行遲江薩綠徧汀洲

龍門山 定山西兩峯壁立如門上有龍潭能興雲雨歲

早禱之卽應江月松風集 焦山南五里爲龍門山高九百丈周

迴十里萬歷舊志 錢維善龍門晚雨詩神鏡峭壁竦雙

散朝霏螺橫雜樹應藏景蛟吐瘴雲未霽
威回首他山新似沐登樓時覽女蘿衣

丫髻山一名鳳凰山 鳳皇山在定山西其頂有兩峯儼然如髻

形江月松風集 龍門山南一里爲大斗山去斗山一里爲丫頭

山高九百丈周迴四里巔起雙峰如髻故名萬歷舊志

雙髻詩鳳來天目憇東南瓊樹巢空百鳥慚千仞翺翔秋
縮髻兩髦髮髻暮樓嵐誰朝風落烏紗帽自借山爲碧玉

蓼仙女洗頭休望岳
相期岸幘對虛談

觀山 在縣西南四十五里高七十丈周迴六里東二里

爲青山高十丈周一里西一里爲石蜂山高三十丈周五

里山石磊落形如蜂攢北五里爲石板山高四十丈周三

里又北一里爲龜山

萬歷舊志

青山俗名密家灣相近有眠牛

山俗名桑柳坂有定南山

錢塘縣志

按此與大雄山西之觀山不同詳後

界石山 界石山在州西南四十九里江源自歙州界東

北流經界石山又東北經州理

元和郡縣志

按元和郡縣志載錢唐縣祇有靈隱界石二山今省志

引唐沈仲昌狀江南詩苔爲界石錢之句爲此山証據

云迷其舊名莫定何處攷陶翰至漁浦詩樟亭忽已隱

界峯未及覩釋皎然有界石守風望天竺靈隱二山詩
則界石山必近于江矣漢時凡錢唐之山統名武林六
朝後專以靈隱爲武林唐以北路諸山爲靈隱南路諸
山爲界石至宋時南路漸有龍鳳南屏大慈五雲等名
而界石以無專指而晦咸淳志有定明院云吳越名界
石治平二年改額今其院亦莫考矣

白巖山 在縣西南五十里高九百二十丈周十五里有
蜂房巖寶鑑池蓮花峯諸勝

大清一統志

山東爲瓜藤山迤

連而下羣峯起伏勢若瓜藤高四十五丈又東爲筆山高
十五丈又東爲解頭山高三十丈又東爲鯉魚山高八丈

萬歷舊志山有尊聖寺宋釋投子嘗結茅于此後建寺極幽勝

與雲棲畧同有十景曰白巖山蜂房岩天池寶鑑池又來泉炊香泉珠峯石蓮花峯歸龍橋思君子徑自藤村至歸龍橋數里夾道皆脩竹縣西南山此爲最勝有藤村嶺南達楊村又南爲白巖嶺北爲鷺鷥嶺

萬歷錢塘縣志

按咸淳志白巖山與太婆山並載但云在錢唐而無方向舊志有兩白巖山一在城西南將二十里有尊聖寺其一在西南五十里魏氏縣志云山或有二未可知据有尊聖寺則云西南五十里者爲差近矣

黃梅山 在縣西南五十里高八百丈周十里山多植竹

里人取以造紙大清一統志黃梅山近祖龍門諸山遠祖天

目二山自黃梅至留下鎮一舍實會鎮之祖山西溪苑隱志

廟山 在錢唐縣去城五十里突出江心湖勢至此方殺

咸淳志巫山頭名廟山又謂之祿山夢梁錄廟山在縣治西南

三十里高十五丈周迴六里其山多石間植松檜舊志謂

去縣五十里者非是彼蓋富陽廟山也萬歷舊志盧祖

黃蛺蝶繞踈籬山掩人家挂酒旗細雨嫩寒衫袖薄客中

知是菊花時何景福書廟山驛詩一街人家白板扉數

間驛舍粉牆圍舟師聚泊魚爲市使客稀來馬脫鞵江轉

潮衝漁浦震天低雲壓燕山微太平有象邊無警打鼓鄉

亭送落暉 按廟山之稱所在多有卽錢唐縣西境言之西塢山法

華山東皆有廟山富陽之廟山統于赤松山中舊志無專載潛氏以山系錢唐祝穆方輿勝覽成化府志並云錢唐有廟山似未必誤今仍之

壘山 去城五十里近廟山在楊村有慈嚴院小嶽祠出筍曰南路筍

咸淳志

西山東二里爲壘山高十丈周二里

萬歷

舊志 山石甚玲瓏有仙人洞洞如石闕一石空駕其上洞內

空明有石鼓旁起小窟甚奇山北有嶺曰小嶺東達定南

公館

錢塘縣志

沈九如壘山仙人洞詩峭壁橫江浦陰厓望或開石門懸雨露玉洞鎖風雷每憶乘騾去時

聞跨鶴回金丹求道至彷彿見蓬萊

西山 在縣西南六十里高七百丈周二十里其西卽富

陽縣廟山巨石壁立如城

大清一統志

西一里爲靈山高二

十丈周二里又西與富陽廟山爲界

舊浙江通志

成化志有報

山無西山疑卽報山也多虎

錢塘縣志

按咸淳臨安志亦無西山其紀報山云在錢唐縣近廟

山

西塢山 在縣治西南六十里高二百丈周迴二十里山

多巨石間植松筠東五里爲洞子山又東二里爲廟山

萬歷

齊志

神山 在縣治西南六十里高四百丈周迴四里稍北爲

道士山又北爲萬丈山山形巖阻至者罔不却步又北爲

麻車山南一里爲塘山又南爲筆架山西爲長嶺山西接

富陽界北接餘杭山界

萬歷舊志

太湖山 在茱萸尖之東南山頂平廣可耕有錢王洞洞

門二皆丈許洞底有小窟下有潭深不可測取石投之聲

如鐘南行爲楊村

萬歷錢塘縣志

石和尚山 在縣西南六十五里高六百丈周迴十里山

巔巨石如僧伽狀因名其北三里爲前山稍東爲燕子山

又東爲石灰山上人燒石爲灰以爲業故名又東爲魚頭

山

萬歷舊志

前山有七洞山僧曾以竹茅爇火入三洞內微明

有石擊之如鼓聲山鏝流泉涓涓滴下病目者洗之卽愈

石灰山山半有大嶺嶺上爲茱萸尖

錢塘縣志

羅帶山 在縣治西南七十里主山高百丈周廻二十里

左右羣峰迤邐環繞若羅帶然北三里爲翠屏山東二里

爲印山去南五里爲富陽界

舊浙江通志

九里暗山 在縣治西六十里高百丈周廻二十里崔嵬

窅奧茂松竹地多虎人不敢獨往西二里爲萬羅山居諸

山中周廻如羅故名北二里爲獅象山卽廣福寺之護門

山也

萬歷舊志

石膏山 錢唐有石膏山

杜佑通典

山在錢唐縣西五十七里

錢唐記云山出石膏若雪

太平寰宇記

按通典州郡部錢唐縣僅錄此一山樂史謂在縣西五十七里自咸淳臨安志合錢唐仁和山川爲卷以石膏山次列于佛日黃鶴之間近志遂誤系仁和然咸淳志亦自標明錢唐縣也今山名更易莫從攷定自萬歷後載記多闕依其道里當與九里暗山相近今錄存舊說以俟博識

黃山 在栗山西山左有黃山大嶺平如掌長二十里北達西溪南通長江有黃山溪從陡門關經大朱橋入江萬歷錢塘縣志郡志無黃山詢之土人云稱橫山蓋羣峰綿接總諸山而名也其途一沿江自徐村經茱萸柏子尖而入一由

西溪留下經百丈桐塢而入明江元祚築黃山草堂自爲

記云黃山舊名橫山土人呼橫爲黃遂訛爲黃山

錢塘縣志馬

臻橫山道中詩村舍喜留客相逢如故知僅籬垂橋袖溪艇賣鳧鷖斷港車魚早寒田穫稻遲時清民俗古野老亦

詩言

按錢唐舊有黃山浦黃山古地名据宋書孔覲傳泰始二年覲據郡反建武將軍吳喜至錢唐進軍柳浦遣鎮北參軍沈思仁强弩將軍任農夫向黃山浦東軍據岸結砦農夫等攻破之乘風舉帆直趨定山破其大帥以地言之所謂黃山浦者卽此山南麓通江處如謂橫訛爲黃非矣

粟山

錢唐縣有粟山

隋書地理志

又粟山一名新石頭山上

有城下有飛泉石杵有吳先主刻題處

太平御覽引吳地記

在縣西

十七里輿地志云上下飛泉二道石杵澗二丈長一丈四

尺吳大帝刻爲黃武二年歲在戊午八月三日十二字餘

卽漂沒微茫若存

太平寰宇記

考吳志黃武二年歲在癸卯後

此十五年爲赤烏元年方是戊午今此刻磨滅不存必記

之誤

咸淳志

山高六十二丈周迴十八里二百步

成化舊志

去北

高峯五里北下爲宋西溪輦道

萬歷錢唐縣志

入石人塢至粟山下看泉

詩初日照深竹微霜濕如煦東山氣稍和岩壑此迴阻石

人不可卽石杵杳何許唯有空林泉鏘鳴自終古飛蘿澗

輕烟灣碕漂翠雨泓泓惜遠寫激激

復新吐能令耳目清相與爲賓主

杭州府志

卷十四

山川

三

按此山周十八里有奇則凡西溪之山在古以栗山統稱之故至今有沿山十八里之言石杵不類杵咸淳志祇云石柱今人謂之石人其所以有杵之號蓋因栗山傅會也近志或作栗山乃字形之謬寰宇記栗山兩見一文如右一誤脫于蘇州吳縣之下云吳大帝刻題黃武七年歲在戊申云云其歲與通鑑所題正合可釋潛氏之疑

秦亭山

在縣治西北二十里高百丈周迴三里

古今圖書集成

職方典

法華之分脉也俗訛爲蜻蜓山

西湖游覽志

在北山棲霞

嶺後相傳祖龍駐蹕于此又云秦少游築亭其上自此至

留下稱沿山十八里皆南宋輦道

錢塘縣志

近人于青枝塢掘

地得唐于府君墓志其銘有云大墓高岡新亭之陽杭志

無新亭山而青枝塢正當秦亭之南則秦亭在唐時固名

新亭矣田汝成云秦亭俗又名蜻蜓蓋字以音訛非俗稱

也浙江通志張丹秦亭詩秦皇竟何在嘆息古亭虛月

白江潮轉林紅海日初草深蛇化徑地僻鬼遺書悵望

千秋事傷心故國居 姜國南過秦亭山詩秦亭斜日獨

徘徊小艇初從河清來處處舟依蘆港宿家家門對竹溪

開怪人野鴨聞聲沒戀子沙雞接翅回

乘興那辭村落遠爲憐寥寂一銜杯

按契嵩武林山志有過蜻蜓山至駝巘嶺語是北宋已

訛新亭爲蜻蜓矣咸淳志無此山有石壁山與龍駒法

華二山並載云東抵西堰橋西止欽賢鄉羣山連接占

十餘里疑南宋時又號秦亭爲石壁山

黃姑山

秦亭山之支

萬歷錢塘縣志黃姑嶺下經大澤蘆中夜行水影

張丹黃姑山詩

白寒烟一帶衰草陂高低不整楓林多左灣右折郵路細
短牆密竹柴門閉四郊多盜山大驚古墓燈火照人行月
黑狐狸林下拜欲前不前疑且怪拔劍直趨眼矇矓莽莽
叢木生陰風叢木荒祠神鬼出夜深依稀吹笙瑟南渡石
橋走岸沙浦口張留半漁家水鶴當空飛且叫虛谷似聞
老人笑此時霜重寒不勝兩手凍縮如握冰入門始知行
路苦袂衣鈎破郵可補妻孥乘
燭登高樓參橫月落何悠悠

飲馬山

在錢唐縣高二十丈周回二里

咸淳志

按明以來各志俱無此山潛志亦未詳其處所其載下
湖河有云一泓自西堰橋西溪山一帶至飲馬山折入
餘杭塘河則此山當近秦亭萬歷志謂應婆山東有馬

山其卽此歟

法華山 與石壁山龍駒山並在欽賢鄉

成化舊志

在縣西北

三十里高三十丈周廻十里東一里爲應婆山又東爲廟

山爲童山爲蔣家山爲馬山參差高下皆在應婆山半又

東爲筆峯山象鼻山淺山茶筍之盛法華爲最

萬歷舊志

北山

一支其陽爲竺國靈鷲其陰爲法華有晉法華僧靈蹟因

以名山

西溪梵隱志

東接桃源西連留下其中爲華塢其水左

流西溪右流河渚

錢塘游覽志

馮夢禎法華山看梅遂至西溪記西山看梅後數日始晴暖遂

鼓興往法華山屬婦翁展墓龍姑乃與道之驥子同行步至松毛塲從舟而西先時水涸不通舟十五日矣舟小如芥受四人一奴一舟子溪水清明可鑿行十五里登岸跣目所向無非梅花帶以清流怒湍修篁灌木村舍雞犬使

人意消累釋憇三方廟村民以祠方神者而僧居之旁爲
 佛宇小樓于三四年前一至彷彿記憶留茶款坐之僧當
 時垂髮童也際勸梅花最佳處自登岍距龍居約三四里
 會心處輒休休輒不能舍去凡六七休而至拜謁沈太公
 墓午飲于村民蔣老家于有梅園二畝在塢口溪流環之
 頗堪卜築道之甚樂之塢中梅花遜塢外而溪聲如一遂
 與道之騷子步至西溪麟上人出迎茶餉甚佳麟居白雲
 流水其西十數武即于山莊有竹有茶有泉大堪栽梅而
 有待時已薄暮返宿麟上人居婦翁已如約至西溪予熱
 游所謂司空見慣而道之騷子頗爲尤物所動歡喜不休
 遂欲讀書于此騷方新婚溺于燕婉且與道之共憂之能
 以坐石息肩尤可喜也 厲鴉三月十三日游法華山詩
 連山背湖西地脉聚而凝 婆留霸氣餘峰頂尚雄勝嘉我
 同游人穿榛得荒徑陽岐鼈裙披陰厓龍腹亘天風鼓蓬
 勃白雲若沸澗置身萬松巔心曠肅觀聽紆回下前陂翠
 樾出僧磬入籬泉偶枯方井鑿亦滢緇田盡雜花烟中笑
 羣騰茶戶競物利衣短不掩脛采摘泣晨露山語頗相應
 酌酒墟墓間作達榼隨罄芻何本幻誕石馬久光瑩神絃
 走村氓縹緲事愚佞洞籟裊裊林木篝火繞岩燈因之日夕
 還嵐影眩難定此境天所遺庶以志贈贈望中青帘曳猶

似攜
餘典

按梵隱志言晉僧法志誦法華經階下有雉馴聽七年而
隕托生前山王氏腋下尚存雉毳稍長出家名曰曇翼翼
誦法華十二年感普賢大士示現太守孟覲聞于朝勅建
法華寺表之因以名山攷雉兒乃唐舒州天柱寺事其誦
法華僧爲崇惠雉旣托生農家仍從崇惠出家名曰定體
刹書記作天柱雉兒行一篇宣揚其事洪氏夷堅志詳錄
之與杭州法華山及法志曇翼殊不相涉梵隱志所載未
詳所本

龍駒山 在法華山旁一名龍師山

萬歷錢塘縣志

法華山北二

里爲龍駒山高十丈周廻一里

萬歷舊志

龍歸塢在西溪之東

相傳建炎間高宗幸西溪見此塢清遠驅馬歸之塢于是

名

西溪百詠序

夢梁錄有龍駒山輿地紀勝有龍駒塢疑卽龍

歸塢

錢塘縣志

陳允忠龍歸塢詩松陰竹色晝霏霏極目千峯隔翠微滿地白雲香案濕夜深或有鉢龍歸

按此山本名趙山宋有趙山正等院紹興時駐屯侍衛

馬軍司於此因有龍駒之稱其正等院卽諸馬軍香火

詳見咸淳志寺觀門岳珂玉楮集有趙山二絕句云驅

車結束趁晨暎水樂簾前共一尊二十五年如掣雷軟紅

依舊暗修門江南閒煞老尚書自是承平一事無送客折

腰書脫腕試從駝巘看登塗蓋自駝巘嶺赴洞霄宮經

此山作也百詠敘高宗驅馬之說殆屬杜撰

鄭公尖山 在縣西北三十五里高四百丈周廻五里本

靈鷲支山爲鄭姓者所得故名

萬歷舊志

安樂山 高三十丈周廻三里山上有石八郎祠

咸淳志

俗

名唐家山近留下

錢塘縣志

唐家山當靈竺之後其山特秀山

前雙井故稱玉膏今湮其一山家緣徑開畦引流折池夾

植梅竹偏得孤山多福之趣春日焙茶石塢香聞十里

西溪

芑隱志釋彬遠入西溪安山詩抵暮憑雙棹梅花落滿

船八林疑有月坐石忽無烟樹杪多爲屋峯高半在天不

知雲卧者吹箭晚風前

白栗山 在留下西南三里其前爲百丈里宋開慶間董

氏兄弟築以通江道

錢塘縣志

荆山 在縣西北四十五里高二百丈周廻五里東二里

爲神山昔有五神時現其上又東爲南屏山又爲安樂山

萬歷舊志有七十二賢峯圓秀如峭下有兩溪夾山行滙于西

溪錢塘縣志荆山麓有鳳嘴山直飲于溪如鳳嘴然

西溪梵隱志

龍門山 在縣西溪之欽賢鄉地高峻上有龍門寺

咸淳志

山中佳勝處曰石關曰魚石曰千丈岩曰顧坪曰老龍潭

曰鸚武石曰盤谷

西溪梵隱志

田蕪蘅登龍門山詩漫說龍門司馬遷名山游徧有奇編禪宮

迥出珠林上御輦曾恭繡佛前鱗甲亂飛風外葉蛟螭新
噴雨餘泉吾廬正對無多地日日遙瞻隔紫烟徐允翹
龍門行詩龍門之山飛從天日來丹崖翠壑相縈廻霞奔
霧突不知數混元蟠結長崔嵬神工不能劈鬼神斧不能摧

誰知山下怪有飛騰物精光透出千年胎鱗角屈伸動天
昏白日頽忽然地底走風雷孽厓摧壑雙門洞開上有千
仞摩天之絕壁下有一尺沒履之荒苔不識神龍在何許
但見飛泉挂壁零秋雨褰裳濡足窮冥搜岩傾澗仄路脩
阻何如躡峯頂探龍湫洗滌肺腑明雙眸跳珠濺玉空中
起翠黛濃香翠峰稠捫厓倒瞰不見底心蒐搖匿龍湫水
能令見者忽驚驚不止寒烏哀啼古道旁元猿嘯匿深叢
裏日落慘淡激陰風恍若棲我蛟龍宮乾坤既兩闢萬古
無鴻濛塵世難久處矯首問蒼穹吾將喚起老
龍騎卽天目去坐看東海日月摩蕩終無窮

方山 在縣北四十里一名金印山盤曲而上凡七彎石

磴百級至頂乃方正故名 大清一統志 在崇化鄉高三十丈

咸淳志 山周四里山惟怪石高皆數仞憑空突起諸山環繞

爲西溪最深處渡溪爲大雄山卽安溪 錢塘縣志 諸長

湖禹航塘折流西悉桑畦菜陌環匝沃壤舴舻刺刺行苗
葉中迎舟如帆有積石焉平地介立不連岡以成高不托

勢以自遠雖無穹窿之致第帆隨波轉面面如琢雖東北
一徑有如頽落劣得通步好事者時有步于亦繼之登
山不數武石磧平曠下視田疇鏡如指掌而遠舟行白雲
流水間出沒如點蟻兩峯孤塔隱現霞表忽有僧行竹徑
導于從磬聲入有觀音禪院者俯踞其巔地雖樸陋而山
水之概則似最饒已憇飲其泉泉益甘冽詢之山產也委
蛇而下梅竹愈勝有室曰蔭荀林景更幽冷未幾村犬遙
吠漁人忽從古松下覓小舟乘月解維幾忘人世間矣
吳煌方山詩山川是處引清暉二月春寒花信稀喜得鄰
翁相對飲從來游子淡忘歸春深牛犢臨門立溪漲魚鷹
掠水飛百尺游絲芳草潤昇平宴賞與心違

大雄山 在縣北崇化鄉有白龍洞在焉

成化舊志

去縣北五

十里高千丈周廻八里有大雄寺白龍潭

萬歷舊志

大雄山松

徑深邃頗極幽寂其巔爲龍潭自宋時嘗投簡祈雨潭中
多產蜥蜴土人稱龍種也戲有持去者輒不見云能飛還

山之南有龍潛塢其前溪中又名蜃潭或神物曾此起蟄

故得名也

山北諸山游記

觀山 觀山黃杜山丫頭山茅山蓀山楊梅山祥符志云

皆在錢唐崇化鄉第七都衆山連接高一百五十丈周三

十五里

咸淳志

大雄山西三里爲觀山又西爲太婆山又西

爲茅山

萬歷舊志

按潛志所載六山陳志見其二又楊梅山見鳥山下與

潛合而丫頭山則載于焦山下其太婆山潛志與白巖

並載萬歷志謂在觀山西蓀山黃柱山近志皆闕最志

有蓀山未定是非而崇化鄉現有里名蓀山山徑僻遠

游踪莫及故致舛互

白鶴山 在大雄山西茅山之旁有白塔漾其東爲太僕

山山下有劉伶圩銀子嶺萬歷錢塘縣志白鶴豫陽五郎諸山皆

在安溪峯巒層疊蒼水淪經其間錢塘縣志

烏山 大雄山北爲烏山又北爲蒿山沈母山東爲馬山

冉家山又有響山楊梅山萬歷舊志篠山莊山皆在烏山南城

隍山在沈母山西小山在響山旁萬歷錢塘縣志蒿山有惠泉馬

山有義和泉楊梅山下有校場塢東爲泮龍塢錢塘縣志蒿山

上有小巷其北石邱培塿爲蚌山去此三四里自西徂東

周廻皆山而小溪四繞山之中阡陌縱橫村舍稠密其外

如垣堞濠塹故亦曰城隍山

田香
宇集

荀山 大雄之東爲荀山

萬歷
舊志

在靈芝三都元至順中建

寺

武林
梵志

近山 在錢唐靈芝鄉高十丈周廻一里

咸淳
志

荀山東南

爲近山

萬歷
舊志

全山 全山芘山皆在孝女南鄉全山高十五丈周四里

芘山高十丈周五里

咸淳
志

全山在縣北七十里北環苕水

有古城頭芘山在全山西一里

錢塘
縣志

唐墓山 在孝女南鄉高十五丈周廻八里有唐孝女墓

成化
舊志 芘山西五里爲唐墓山又西爲洋山諸山列其南苕

水環其北

萬歷舊志

楊山 在孝女南鄉高二十丈周廻六里

咸淳志

按萬歷舊志云洋山去唐墓山半里縣志陽山在太華

山西似俱楊山之譌

紫雲山 在茗溪東爲安溪諸山之祖近瓶窰

萬歷錢塘縣志

窰山 在縣北七十里高七十丈周廻四里形如覆掌窰

屋重疊盤曲與山上下勢若蟠龍去西半里卽餘杭界

古

圖書集成職方典 舊名橫山繞山皆窰屋名瓶窰有瓶窰鎮

錢塘縣志

亭市山 郡國志云杭州亭市山在餘石鄉亭市村人悉

作大窰今人謂之浙窰是此地所出

太平寰宇記

亭市山多陶

戶今謂之浙甃

咸淳志

按此山當卽窰山近志列仁和縣非

萬松山 在安溪孝女北鄉與鳳泉山連有石門嶺在萬

松山上過此卽武康縣界故又名界山

成化舊志

去縣北七十

里高一百五十丈其西爲鳳泉山今名唐山

萬曆舊志

其西鳳

泉諸山綿延相接凡二十五里東北接武康西界餘杭若

溪繞其南陡門關峙其東亦北出之間道也

讀史方輿紀要

金龍山 在鳳泉之西二里高二百二十丈其巔名白雲

昔有望雲亭乃謝公築之以居隱者今廢址尚存

古今圖書集成

職方典

按謝公卽謝緒明封爲金龍四六王者是也詳見忠臣傳

大遮山 大遮烏尖二山在孝女北鄉接連餘杭縣及武

康縣界高三百丈大遮山有龍王穴安溪舟人相傳風雨

之久龍吐珠有光

咸淳志

金龍山之西爲大遮山高三百丈

稍前有烏尖山高百丈又西爲中和山爲東明山東明寺

在焉又西爲朴山爲長慶山長慶寺在焉又西爲西墅山

萬歷舊志

大遮山下爲安溪鎮有稅課司有安溪閘茗木經此

東明山一名古道山上可眺浙江

錢塘縣志

陳晉明大

雲牛浸越王城城上鉅筋處處聲爲有樓船揚使使獨標

銅柱馬援名殊方自合歸常貢漢將何須事遠征武帝秦

皇俱寂寞更聞

方士訪蓬瀛

按聶氏縣志有石璞山疑卽朴山又有生金山云下有
長慶湖疑卽長慶山

四壁山 朱存理鐵網珊瑚載倪瓚題虞堪八世祖雍公
古劍歌云余訪青城山樵于錢唐之四壁山卽此山名舊

志皆不載

南宋雜
事詩注

按此山今仍不知所在姑附俟考

杭州府志

卷十四

三

杭州府志卷十四終